



續文獻通考卷之一百九

皇明進士雲間王圻纂輯

郊社考 山川 高禘 農蠶 祓禳

祭山川

遼

太祖天贊三年八月登阿里典廕得斯山以麋鹿祭

太宗天顯四年三月望祀群神 會同二年十月晉遣使

請親祀南嶽從之

穆宗應曆十四年七月以酒脯祭黑山

續文獻通考

聖宗統和七年二月遣巫祭名山大川 十三年八月詔  
修山澤祠宇以特祀之

金

世宗大定四年禮官言嶽鎮海瀆當以五郊迎氣日祭之  
詔依本禮以四立土王日就本廟致祭其在他界者遙  
祀立春祭東嶽于泰安州東鎮于益都府東海于萊州  
東瀆大淮于唐州立夏望祭南嶽衡山南鎮會稽山于  
河南府南海南瀆大江于萊州季夏土王日祭中嶽于  
河南府中鎮霍山于平陽府立秋祭西嶽華山于華州

西鎮吳山于隴州望祭西海西瀆于河中府立冬祭北  
嶽恒山于定州北鎮醫巫閭山于廣寧府望祭北海北  
瀆大濟于孟州其封爵並仍唐宋之舊 七年或有言  
前代都長安及汴洛以太華等山列為五嶽今既都燕  
當別議五嶽名時太常寺官或取嵩高䟽周都豐鎬以  
吳嶽為西嶽范拱以為非是議畧曰軒轅居上谷在恒  
山之西舜居蒲阪在華山之北以此言之未嘗據所都  
而改嶽祀也後遂不改

章宗明昌六年十二月詔加五嶽四瀆王爵時從沂山道

士楊道全請封沂山為東安王吳山為成德王霍山為  
應靈王會稽山為永興王醫巫閭山為廣寧王淮為長  
源王江為會源王河為顯聖靈源王濟為清源王每歲  
遣使奉御署祝版奩香乘驛詣所在率郡邑長貳官行  
事禮用三獻讀祝官一捧祝官二盥洗官二爵洗官二  
奉爵官一司尊彝一禮直官四以州府司吏充前三日  
應行事執事官散齋二日治事如故宿于正寢如常儀  
前二日有司設行事執事官次于廟門外掌廟者掃除  
廟之內外前一日有司牽牲詣祠所享官以下常服閱

饌物視牲充脂享日且前五刻執事者設祝版于神位  
之右置于坵及以血豆陳于饌所次設祭器皆籍以席  
掌饌實之左十筮為

右為上實以乾棗乾棗形

蓋魚鱗鹿脯餘實乾桃菱茨栗右 為三行以左為

上實以芹菹筍苴韭苴菁苴葵苴魚醢兔 鹿藿

醢醢左簋二實以梁稻右簋二實以黍稷俎上實以牲  
體次設犧尊二象尊二在堂上東南隅北向西上犧尊  
在前實以法酒犧尊初獻官酌象尊亞終獻酌又設太  
尊一山尊一在神位前設而不酌有司設燭于神位前

洗二在東階之下直東雷北向疊在洗東加酌篚在洗西南肆實以巾執疊篚者位于其後又設揖位于廟門外初獻在東向亞終及祝在東南向北上開瘞坎于廟內庭之士地享日丑前三刻執事官各就次掌饌者師其屬賈饌且畢凡祭官各服其服與執事官行止皆贊者引點視陳設訖退就次引初獻以下詣廟南門外揖位立定贊禮者贊揖次引祝升堂就位立次引初獻詣盥洗位北向搯笏盥手執笏詣爵洗位北向立執事者以爵授初獻初獻搯笏執爵執尊者舉巽執事者

酌酒初獻以爵授執事者執笏詣神座前北向立搯笏跪執事者以爵授初獻執爵三祭酒奠爵訖執笏俛伏興少立次引祝詣神位前東向立搯笏跪讀祝訖執笏興退復位初獻再拜贊禮者引初獻復位次引亞獻酌獻並如初獻之儀次引終獻並如亞獻之儀贊者引初獻官詣神位前北向立執事者以爵酌清酒進初獻之右初獻跪祭酒啐酒奠爵執事者以俎進咸神座前胙肉前脚第二節共置一俎上以授初獻初獻以授執事者初獻取爵遂飲卒爵執事者進受爵復于俎初獻興

再拜贊者引初獻復位贊者曰已飲福受胙者不拜亞獻官以下皆再拜拜訖次引初獻以下就望座位以饌物進于坎東西廂贊者曰可痊置土半坎又曰禮畢遂引初獻以下出祝與執尊罍篚器者俱復位立定贊者曰再拜再拜訖遂出祝版燔于齋所

料石岡祠 海陵嘗過此祠持杯筭禱曰使吾有天命當得吉卜投之吉又禱曰果如所卜他日當有報否則毀爾祠字投之又吉及即位貞元元年十月封料石岡神為靈應侯 長白山 有司言長白山在興王之地

服章爵號非位于公侯之上不足以稱遣官持節備物冊命山神為興國靈應王仍勅有司歲時奉祀自是每歲降香命有司春秋二仲擇日致祭明昌四年十月備袞冕玉冊儀物上御大安殿用黃麾立仗八百人行仗五百人復冊為開天弘道聖帝 大房山 大定二十一年勅封山陵地大房山神為保陵公冕八旒服七章圭冊香幣使副持節行禮並如冊長白山之儀申飭有司歲時奉祀其封域之內禁毋得樵採弋獵著為令是後遣使山陵行禮畢山陵官以一獻禮祭奠 混同江

大定二十五年有司言太祖征遼策馬徑渡江神助  
順靈應昭著宜修祠宇加賜封爵廼封神為興國應聖  
公致祭如長白山儀冊禮如保陵公故事 護國林  
大定二十九年勅封上京護國林神為護國嘉應侯儀  
冕七服五章圭用信圭 盧溝河神 大定十九年有  
司言盧溝河水勢汎决啗民田乞官為封冊神號禮官  
以祀典不載難之已而特封安平侯建廟二十七年奉  
旨每歲委本縣長官春秋致祭如常儀 靜寧山 舊  
名旺國崖太祖征遼常駐蹕于此大定八年五月更名

靜寧山後建廟明昌六年八月以冕服王冊冊山神為  
鎮安公 麻達葛山 章宗生于此世宗愛其山勢行  
氣清故命章宗名之後改名胡土白山建廟明昌四年  
八月以冕服王冊封山神為瑞聖公建廟命府州有司  
春秋二仲擇日致祭為常 柴潭神 哀帝天興三年  
正月冊為護國靈應王

元

世祖特每歲遣使代祀嶽瀆后土 中統二年冬遣道士  
代祀東海廣德王廟 至元二十八年正月帝謂中書

省臣言五嶽四瀆祠事朕宜親往道遠不可大臣如卿等又有國務宜遣重臣代朕祠之漢人選名儒及道士習祀事者其禮物則每處歲祀銀香盒一重二十五兩五嶽組金縑二鈔五百貫四瀆織金縑二鈔二百五十貫四海五鎮綃金縑二鈔二百五十貫至則守臣奉詔使行禮皇帝金寶位遣官致祭降香縑盒如前禮准各加銀五十兩五嶽各中統鈔五百貫四瀆四海五鎮各中統鈔二百五十貫或他有禱禮亦如之 是年春二月加上東嶽為齊天大生仁聖帝南嶽司天大化昭聖

帝西嶽金天大利順聖帝北嶽安天大貞玄聖帝中嶽中天大寧崇聖帝加封江瀆為廣源順濟王河瀆靈源弘濟王淮瀆長源博濟王濟瀆清源善濟王東海廣德靈會王南海廣利靈孚王西海廣潤靈通王北海廣澤靈祐王 時東平布衣趙天麟上策曰臣聞天子祭天地及天下之名山大川諸侯祭社稷及名山大川之在其地者大夫祭五祀士祭宗廟庶人祭祖考于寢上得兼下下不得僭上皆有制以節之今國家稱秩元祀咸秩無文既有禮部及太常司侍儀司以備其節文又詔



今所在官司歲時致祭五嶽四瀆

川歷代聖帝

明王忠臣節士之載在祀典者皆其宜也竊見方今小民不安常典妄事明神其類甚多不可枚舉夫東嶽者太平天子告成之地東方藩侯當祀之山今乃有倡優戲謔之徒貨殖屠沽之子每年春季四方雲聚有不遠千里而來者有提挈全家而至者干越邦典滌瀆神明停廢產業耗損食貨亦已甚矣昔季氏魯國之上卿旅于泰山孔子猶欲其宰救之况小民之賤乎大人之教不以名器分之則將紊矣小民之心不以名器繩之則

將恣矣况淫祀者事神之誠極寡希福之貪甚多且父慈子孝何用焚香上安下順何須楮幣不然則雖竭天下之香繼爐而焚之罄天下之楮為幣而藝之臣知其斷無益矣然而聖人立祀禮者報其當然之本行吾當然之義也伏望陛下申明前詔使天下郡縣官各祭名山大川聖帝明王忠臣節士之在其地者凡下民當祭之神如祖考及門庭戶竈等聽之凡非典所當祀而祀者禁之無令妄瀆凡祈神賽社漿酒藿肉飾立神像泥金錢木者禁之無令妄費如是則非但巫風寢消抑亦

富民一助

成宗元貞二年遣使代祀嶽瀆 大德二年詔諸王駙馬

毋擅祀嶽鎮海瀆 是年二月加封東鎮沂山為元德

東安王南鎮會稽山為昭德順應王西鎮吳山為成德

永靖王北鎮醫巫閭山為貞德廣寧王中鎮霍山為崇

德應靈王勅有司歲時與嶽瀆同祀著為令式 沂山在青州府

臨沂縣南會稽山在紹興府城東南吳山在 夏四月定

歲祀嶽鎮海瀆之制 正月東嶽鎮海瀆土王日祀泰山

于泰安州沂山于益都府界立春日祀東海于萊州界

大淮于唐州界三月南嶽鎮海瀆立夏日遙祭衡山土

王日遙祭會稽山皆於河南府界立夏日遙祭南海大

江于萊州界六月中嶽鎮土王日祀嵩山于河南府界

霍山于平陽府界七月西嶽鎮海瀆土王日祀華山于

華州界吳山于隴縣界立秋日遙祭西海大河于河中

府界十月北嶽鎮海瀆土王日祀恒山于曲陽縣界醫

巫閭山于遼陽廣寧路界立冬日遙祭北海于登州界

濟瀆于濟源縣祀官以所守土官為之既有江南罷遙

祭 四年遣使祠東嶽

武宗至大元年遣使祀五嶽四瀆名山大川

仁宗延祐四年遣官祭陝西嶽鎮名山

泰定帝泰定元年遣使代祀嶽瀆又以鹽官州海水溢遣

使祀海神 二年遣使代祀龍虎武當二山又遣使代

祀嶽瀆名山大川 三年遣使分祀五嶽四瀆名山大

川又以鹽官州海溢遣使祭海神 四年命祀五嶽四

瀆名山大川 致和元年遣使往鹽官祀海神 改封

蒙山神曰嘉惠昭應王洞庭神曰忠惠順利靈濟昭佑

王

文宗天曆元年遣使祭五嶽四瀆 二年遣使代祀嶽瀆

山川 至順二年遣秘書少監王珪等代祀嶽鎮海瀆

三年遣使分祀嶽鎮海瀆

順帝至元元年冬十一月加封真定路滹沱河神為昭祐

靈源候 五年加北嶽之神為安天大貞玄皇帝 至

正二年遣翰林學士三保等代祀五嶽四瀆 九年遣

御史中丞李獻代祀河瀆 十年詔加封河瀆神為靈

源神祐弘濟王仍重建河瀆及西海神廟

皇明

續文獻通考

國初建山川壇於 天地壇之西正殿七間祭太歲風雲  
雷雨五嶽五鎮四海四瀆鍾山之神東西廡各十五間  
分祭京畿山川春夏秋冬四月將及都城隍之神壇西  
南有先農壇壇東有旗纛廟壇南有籍田一所今京師  
山川壇建於永樂中位置陳設俱與南京舊制同惟正  
殿鍾山之右添祭天壽山之神

凡齋戒前一日太常司官宿于本司次日具奏本致齋  
二日次日進銅人 凡正祭前二日太常司官同本  
部官詣城隍廟發咨

太祖洪武二年 上以太歲風雲雷雨及嶽鎮海瀆山川  
城隍諸神止合祭於城南諸神享祀之所未有壇壝等  
祀非隆敬神祇之道 命禮官考古制以聞至是禮官  
奏太歲者十二辰之神按說文歲字從步從戌水星一  
星行一次歷十二辰而一周天若步然也自子至巳為  
陽自午至亥為陰所謂太歲十二辰也陰陽家說又有  
十二月將十二時所直之神若天乙天罡太乙功曹太  
冲之類雖不經見歷代用之唐宋不載祀典元每有太  
輿作祭太歲月將日直時直於太史院若風雨師之祀

則見於周官秦漢隋唐亦皆有祭天寶中增雷師於雨師之次因升風雨雷為中祀宋元因之又按嶽鎮海瀆之祀虞舜以四仲月巡狩而祭四嶽東嶽曰泰山四嶽之宗也故文曰岱宗南嶽曰衡山西嶽曰華山北嶽曰恒山而未言五嶽王制曰天子祭天下名山大川五嶽四瀆始有五嶽之稱蓋以中嶽嵩山並列又周官小宗伯兆四望於四郊鄭玄四望為四嶽四瀆四瀆者江河淮濟也四鎮者東曰沂山西曰吳山南曰會稽北曰醫巫閭詩又曰巡狩而祀四嶽河海則又有四海之祭蓋

天子方望之祀無所不通而嶽鎮海瀆在諸侯封內諸侯亦各以其方祀之秦罷封建嶽瀆皆頌於祀宮及漢復建諸侯則侯國各祀其封內山川天子無預焉武帝時諸侯或分或廢五嶽皆在天子之邦宣帝時嶽瀆始有使者持節代祀之禮由魏及隋嶽鎮海瀆皆即其地立祠命有司致祭唐宋之制有命本界刺史縣令之祀有因郊祀而望祭之祀又有遺祭之祀元遣使祭嶽鎮海瀆分東西北中為五道其天下山川之祀虞書望于山川篇于群神周頌曰懷柔百神周禮小宗伯兆山

川丘陵墳行各因其方王制凡山川之小者其祭秩視伯子男劉向謂山川能生物出雲雨施潤澤品類以百數故視伯子男其在諸侯封內者諸侯又自祭之如楚祭雎漳晉祭惡池齊祭配林是也秦罷封建則皆領於祠官焉由漢唐以及宋元嶽鎮海瀆之外又有其餘山川之祀不獨嶽瀆也城隍之祀莫詳其始先儒謂既有社矣不應復有城隍故唐李陽水縉雲城隍祀謂祀典無之惟是越有之然成都城隍祠太和中李德裕所建張說有祭城隍文杜牧有祭黃州城隍文則不獨吳越

為然又蕪湖城隍建於吳赤烏二年高齊慕容儼梁武陵王祀城隍神皆書於史又不獨唐而已宋以來其祀徧天下或賜廟額或頒封爵至或遷就附會各指一人以為神之姓名如鎮江慶元寧國太平華亭蕪湖等郡邑皆以為紀信龍首贛充瑞吉建昌臨江南康皆以為灌嬰是也張說祭荊州城隍文曰致和產物助天育人張九齡祭洪州城隍方隅是保庇庶是依則歷代崇祀之意有在也今 國家開創之初嘗以太歲風雲雷雨嶽鎮海瀆及天下山川京都城隍及天下城隍皆祀於城南

享祀之所既非專祀又室而不壇非禮所宜考之唐制以立春後壬日祭風師於城東北立夏後申日祭雷雨於城東南以今觀之天地之生物動之以風潤之以雨發之以雷陰陽之機本一氣使然而各以特別祭甚失享祀本意至於海嶽之神其氣亦流通暢達何有限隔今宜以太歲風雲雷雨嶽鎮海瀆及天下山川城隍祇合為一壇春秋祀之上從之遂定以驚蟄秋分日祀太歲諸神以清明霜降日祀嶽瀆諸神壇墟高卑南向四面垣圍壇高二尺五寸方濶二丈五尺四出陛南向

陛五級東西北向陛三級祀天神則太歲風雲雷雨五位並南向位皆用大牢一籩豆各八簋簋各二酒尊三帛一樂用雅樂其儀先期一日 皇帝服通天冠絳紗袍詣壇省牲詣神厨視鼎鑊滌溉至日侵晨 車駕至大次 皇帝服通天冠絳紗袍侍儀司奏外辦太常寺卿引詣 御位迎神協律郎舉麾奏中和之曲太常卿奏謹具請行事再拜陪祭官皆再拜奠帛行初獻禮樂奏保和之曲詣盥洗位搯圭盥帨出圭詣爵洗位滌爵詣酒尊位酌醴齊詣風雲雨神位前上香尊帛樂奏

安和之曲祭酒奠爵俯伏再拜次詣五嶽五鎮四海四  
瀆神位前並如上儀 皇帝初獻第一壇將半分獻官  
行禮詣盥洗所盥帨詣爵所滌爵詣酒尊所酌酒詣各  
神位前奠帛奠爵再拜 皇帝初獻禮終詣讀祝位跪  
讀訖俯伏興再拜復位行亞獻禮樂奏肅和之曲各壇  
掌祭官播笏斟酒于器大常寺卿再奏拜行終獻禮樂  
奏凝和之曲各壇掌祭官播笏斟酒于器太常寺卿奏  
再拜飲福受胙太常卿引 皇帝詣飲福受胙位再拜  
跪播圭祭酒飲福受胙出圭俯伏興再拜徹豆樂奏壽

和之曲掌祭官各徹豆送神樂奏豫和之曲 皇帝再  
拜在位官皆再拜望燎樂奏熙和之曲太常卿奏請詣  
望燎位讀祝官奉祝掌祭官奉牌位帛饌各詣燎壇燎  
畢奏禮畢還大次具樂章迎神云吉日良辰祀典式陳  
太歲尊神雷雨風雲濯濯厥靈昭鑿我心以候以迎來  
格來歆奠帛云靈旗泣止有赫其威一念潛通幽明弗  
違有幣在篚物薄而微神兮安留尚其享之初獻云神  
兮我留有薦必受享祀之功奠茲醴酒晨光初升祥徵  
可候何以侑觴樂陳雅奏亞獻云我祀維何奏茲犧牲



受酌醴齊二觴載升洋洋如在式燕以寧庶表微衷交  
于神明終獻云執事有嚴品物斯祭黍稷非馨式將其  
意薦茲酒醴成我常祀神其顧歆永言樂只徹豆云春  
祈秋報率為我民我民之生賴于爾神維神祐之康寧  
是禋祭祀云畢神祇樂欣送神云三獻禮終九成樂作  
神人以和既燕且樂雲車風馭靈光昭灼瞻望以思邈  
彼冥之廓望燎云俎豆既徹禮樂已終神之云還倏將焉  
從以望以燎庶幾感通時和歲豐維神之功祀地祇則  
五嶽五鎮四海四瀆並向南向次鍾山江東西淮兩浙

江西湖廣山東山西河南陝西北平福建廣東廣西海  
南海北左右兩江山川之神并京都各府城隍外夷山  
川之神皆東西相向牲皆用犢一羊一豕一籩豆各八  
簋簋各二酒尊三帛一樂用雅樂樂章迎神云吉日良  
辰祀典式陳惟地之祀百靈繽紛嶽鎮海瀆山川城隍  
內而中國外及四方濯濯厥靈昭鑒我心以候以迎來  
格來歆奠帛以下並同太歲諸神 二月 命都督孫  
遇仙等一十八人祭天下嶽鎮海瀆之神又賜冠帶及  
衣二襲白金十兩米十五石是日 上服皮弁服 御

奉天殿禮官以香及祝文進 上躬署御名以香祝授  
使者百官公服送至中書省使者就行香用黃金為盒  
以貯之黃金簪二白金二十五兩以供市祭物牲用太  
牢幣各從其方色祝文東嶽曰惟神旁礴英靈參贊化  
育位于東方為嶽之首及出膚寸之雲不崇朝而雨天  
下滋于稼苗民賴以生功被于世歷代帝王咸敦祀典  
或躬臨而奉祭或遣使以伸忱朕永膺天命肇造丕基  
禮宜致祭今國治未周新附未撫或居以圖治或出而  
視師是用 命使以表朕衷惟神鑒焉西嶽曰惟神氣

應金方靈鍾元位奠于西極屹立巍巍長物養民功被  
于世南嶽曰惟神祝融諸峯奠彼南服嵩高峻極德被  
離明長物養民功被于世北嶽曰惟神鎮并臨代峙立  
朔方始終陰陽德著悠久養民阜物功被寰中中嶽曰  
惟神嵩高攸定表此中區四嶽依宗群山朝拱養民育  
物功被寰中東海曰惟神百川朝宗涵育深廣靈鍾坎  
德潤衍震方滋物養民功被于世西嶽曰惟神灝靈所  
鍾道里遼邈坎德所廣潤行允方滋物養民功被于世  
南海曰惟神環茲奧壤物鉅靈鍾坎德深大離明斯配

潤物養民功被于世北海曰惟神冥玄攸司邈遠莫即  
鍾靈坎德奠位陰方潤物養民功被于世江濱曰惟神  
岷蜀發源浩漱萬里朝宗于海坎德靈長潤物養民澤  
被于世河濱曰惟神發源崑崙巨絡中土配精天漢坎  
德靈長潤物養民澤被于世淮濱曰惟神源深桐栢演  
迤楚甸出雲致雨潤物養民坎德靈長澤被于世濟濱  
曰惟坤沉浸覃懷功配三瀆沆滄蕩濁坎德靈長潤物  
養民澤被于世東鎮曰惟神鎮彼瑯琊群山所仰宣澤  
布氣育秀鍾靈生物養民功被于世西鎮曰惟神作鎮

汧陽群山所仰宣澤布氣育秀鍾靈生物養民功被于

世南鎮曰惟神作鎮會稽群山所仰云是年封京都

及天下城隍神 三年正嶽鎮海濱城隍諸神號又

命合祀太歲四季月將風雲雷雨嶽鎮海濱山川城隍

旗燾諸神 又奏准自今遣官祭山川壇諸神春用鷩

蟄後三日秋用秋分後三日獻官及陪祀執事官皆前

期齋戒三日至日清晨 上服皮并服御 奉天殿降

香中嚴陞 御座以待祭畢獻官回奏解嚴還 宮

七年令祭山川諸神於春秋仲月上旬擇日後又以孟

春郊祀時諸神既預祭壇內乃定以仲秋祭社稷後擇日祭之 丁巳歲 太祖親祀山川壇諸神於殿中功

臣分祀兩廡

神祇壇

國初建山川壇于 天地壇之西永樂中北京山川壇成嘉靖十一年即其地為天地神祇壇

神壇方廣五大高四尺五寸五分四出陛各九級壇墻方二十四丈高五尺五寸厚二尺五寸楹星門六正南三東西北各一內設雲形青白石龕四於壇北各高九尺二寸五分

祇壇面闊十丈進深六丈高四尺四出陛各六級壇墻

方二十四丈高五尺五寸厚二尺四寸楹星門亦如神

壇內設青白石龕

山形三水形二於壇北 先擬設於壇南北向後改

制今各高八尺二寸左從位山水形各一於壇東右從位

山水形各一於壇西各高七尺六寸

世宗嘉靖初科臣陳棊題請正嶽祀畧曰真定府曲陽縣

有北嶽恒山廟為 朝廷秩祀之所及查其實恒山在

迤北渾源州南北相去甚遠俗傳曾有飛石一方自恒

山坎中飛來墜於曲陽故立廟祀今其廟扁有飛石殿

臣竊疑之臣考舜典十有一月巡狩至于北嶽周禮載

恒山為并州之鎮水經謂北嶽為玄嶽天文志大梁折木以負北海其神主恒山三代而下歷漢唐隋俱於此致祭石晉失燕雲十六州之地宋未能混一北為契丹所據無緣至幽薊之域而觀所謂北嶽者所以直得祭之於曲陽詭言飛石之謬以粉飾其削弱之迹耳然宋都汴而真定在汴京之北以為北門不得已權宜祭之猶之可也我太祖高皇帝驅胡復夏奄有萬方首定嶽鎮海瀆之號但特都金陵真定迥在京師之北所以因循未曾釐正我成祖文皇帝建都北平而真定已

在京師之南使當時有禮官建明顧有南面而登踵宋人削弱之迹哉臣因此而論及五嶽焉臣觀祀典載嵩山中嶽在河南登豐縣泰山東嶽在山東泰安州衡山南嶽在湖廣衡山縣華山西嶽在陝西華陰縣祠祀皆近在木山之麓而恒山北嶽則即此大同府東南渾源州者是也今不惟北嶽之祀缺謬而東嶽行祠遍天下尤為惑妄乞將渾源州北嶽恒山定為秩祀之所其廟制量加修拓以後凡遣告祈請皆詣此致祭其曲陽祠廟但令有司致祭飛石殿扁并令改撤於凡東嶽行祠

除京師及齊魯之境外其餘量改書院社學仍不許加  
修朔建以昭 皇上釐正典禮之盛則治道幸甚

祀高禩

遼無高禩之祀

金章宗明昌六年二月以上未有子尚書省臣奏行高禩  
之祀乃築壇於景風門外東南端當闕之卯辰地與圖  
丘東西相望壇如北郊之制歲以春分日祀青帝伏羲  
氏女媧氏凡三位壇上南向西上姜嫄簡狄位于壇之  
第二層東向北上前三日未三刻布神位省牲噐陳御

弓矢孤鞬于上下神位之右其齋戒奠玉帛進熟皆如  
大祀儀青帝幣玉皆用青餘皆無玉每位牲用羊一豕  
一有司攝三獻司徒行事禮畢進胙倍于他祀之內進  
胙官備弓矢孤鞬以進上命后妃嬪御皆執弓矢東向  
而射命以次飲福享胙 丞安元年二月命有司祀高  
禩如新儀 二年六月以得子遣禮部尚書張暉報謝  
高禩 太和二年十二月以得子遣使報謝高禩

皇明 國初無此祀至 世宗嘉靖中始以歲祀高禩設  
木臺于 皇城東永安門北震方壇上 皇天上帝南

向駢犢蒼璧奉獻皇帝配西向羊一牛一豕一高禩  
在壇下西向牛一羊一豕一禮三獻樂九奏陳八佾  
皇帝位壇不北向 后妃位壇南數十丈外北向用帷  
壇下陳弓矢弧鞬如 后妃嬪之數祭畢女官導 后  
妃嬪至高禩前跪取弓矢授 后妃嬪 后妃嬪受而  
納於弧鞬

### 五祀

遼無五祀之禮

金宣宗承安四年六月祭中霤

元無五祀之禮

皇明

太祖洪武二年尚書崔亮奏周官天子五祀曰門曰戶人  
之所出中霤人之所居曰竈曰井人之所養故杜祐曰  
天子諸侯必立五祀所以報德也今擬周官五祀止于  
歲終臘享通祀於廟門外從之歲暮享 太廟時五祀  
並列廟西廡下東向太常寺官行禮

成祖永樂以後五祀于四孟及季夏已而立春祀戶宮門  
外道左西向立夏祀竈大庖前中道南向季夏土王後

戊日祀中雷文樓前西向立秋祠門午門外西角樓東  
 向立冬祀井大庖前南向以時皆遣內臣祭各少牢一  
 歲暮太常少卿合祀於 太廟丹墀西東向用少牢五  
 按餘冬錄云古者祭必屏刑人今制陪祭官刑來等項  
 有禁大祀地內臣避之以其人經刑形體不全故也而  
 四孟及季夏五祀之祭乃用內臣行事 國家每有興  
 作俱 命內官監內臣致祭不知刀鋸之餘何以交神  
 明掌兵刑官尚嫌不使與祭而親經刑者主祭焉又非  
 不可之大者乎

五祀儀 四孟及季夏分祭各羊一豕一禮神制  
 帛一歲暮合祭共羊五豕五制帛五

司戶之神 宮內祭內 司龜之神 光祿寺祭  
 內官行禮 中雷之

神 奉天殿外文樓前西向司禮監  
 官行禮季夏土王後戊日祭 司門之神 午門前  
 祭守門

內官 行禮 司井之神 宮內祭內  
 官行禮 歲暮合祭五祀 太廟西  
 廡下東

向太常寺  
 官行禮

籍田

元

世祖至元七年立籍田大都東南郊 時趙天麟策曰臣  
 聞祭祀者人之大端衣食者人之常理今聖朝立太常



正卿設司農大寺欽乃攸司可謂備矣但籍田之禮尚未施行謹按禮經之義遠稽前世之文適三陽交泰之春當是月上旬之日祈穀于太微之帝再擇乎吉亥之辰封人壝宮掌舍設祇太僕秉轡保介從行綴黛耜于紺轅冠朱紘之花冕平秩東作爰至南郊具庶府之官僚聳萬民之瞻視天顏咫尺際恭就于三推黎庶三百人遂終于千畝公卿以下隨爵秩而亦耕燕飲之宜布龍光于既返內宰獻種于厥後神倉啟獲于西成一旦用之中心足矣此聖天子籍田之禮也伏望陛下無怒

號公之直諫式同漢帝之親耕于彼天田成茲或事南瞻北顧三思粟帛之原上化下行一警農民之急於昭文化以迓太平垂諸典章永示嘉範 九年二月始祭

先農如祭社之儀 十三年二月祀先農東郊 十四

年二月祀先農東郊 十五年二月戊午祀先農以蒙

古胃子代耕籍田 十六年二月朔祭先農于籍田

二十一年命翰林學士丞旨撒里蠻祀先農于籍田

武宗至大三年從大司農請建農蠶二壇博士議二壇之式與社稷同縱廣一十步高五尺四出陞外壇相去二

十五步每方有樞星門今先農先蠶壇位在籍田內若  
立外壇恐妨千畝其外壇勿築是歲命祀先農如社稷  
樂用登歌日用仲春上丁後或用上辛或甲日祝文曰  
維某年月日皇帝敬遣某官昭告于帝神農氏配神曰  
后稷氏祀前一日未後禮直官引三獻監祭禮以下省  
牲饌如常儀祀日丑前五刻有司陳燈燭設祝幣大官  
命師其屬八實籩豆尊罍且正禮直官引先班入就位  
立定次引監祭禮按視壇之上下糾察不如儀者畢退  
復位東向立奉禮曰再拜贊者承傳再拜訖奉禮又贊

諸執事者各就位禮直官各引執事官各就位立定次  
引三獻官并與祭等官以次入就位西向立禮直官于  
獻官之右贊請行事樂作三成止奉禮贊再拜在位者  
皆再拜太祝跪取幣于篚立于尊所禮直引初獻官詣  
盥洗位北向立盥手帨手畢升自東階詣神位前北向  
立搢笏跪三上香受幣奠幣執笏俛伏興少退再拜訖  
降復位立定大官令帥齋即設饌于神位前畢俛伏興  
退復位禮直官引初獻再詣盥洗位北向立盥手帨手  
詣爵洗位洗爵拭爵詣酒尊所酌酒畢詣正神位前北

向立搢笏跪三上香三酒酒于沙地爵授執事者執笏  
俛伏興北向立俟讀祝畢再拜興次詣配位酒尊所酌  
酒訖詣配神位前東向立搢笏跪三上香三祭酒于沙  
池爵授執事者執笏俛伏興東向立俟讀祝畢再拜退  
復位次引亞終獻行禮並如初獻之儀惟不讀祝退復  
位立定禮直官贊徹籩豆樂作卒徹樂止奉禮贊賜胙  
衆官再拜贊者承傳在位者皆再拜訖樂作送神之曲  
一成止禮直官引齋卽升自東階太祝跪取幣祝齋卽  
捧俎載牲體及籩豆簋盞各由其階至坎位北向立俟

三獻畢立定各跪奠訖執笏俛伏興禮直官贊可瘞乃  
瘞焚瘞畢三獻以次詣耕地所耕訖而退

秦定帝秦定二年暨四年祭先農

順帝至正十三年二月祭先農

親蠶之禮遼金俱不行故不列祀典元建蠶壇矣而祀  
事不聞舉焉故其禮儀亦無可考趙天麟嘗有策述古  
公桑之制勸中宮倣古親蠶

皇明

太祖洪武元年御史尋遠請耕籍田享先農以勸天下從

續文獻通考

之明年建壇于山川壇西向是年春 上祀先農遂耕籍田以后稷配已而奉 仁祖配 八年乙卯遣應天府尹祭每 皇帝初即位行耕籍禮親祀之先臣丘濬有議云大蜡與籍田相為始終而 本朝唯于此闕焉因請當東作方興之始既舉籍田之禮以祀先農于春而以帥先農民興其務本之心則百穀告成之後載舉大蜡之禮以報先嗇于冬而以勞來農民報其勤動之苦情未行耳

按先蠶氏之祭自 世宗嘉靖中始行以歲仲春擇日 皇后祭用少牢禮三獻樂六奏去舞 公主内外命婦陪祭先期內尚儀奏祭祀 皇后內執事皆致齋蠶宮令陳祭物樂女生陳樂器至日 皇后乘肩輿出宮至 西華門升重翟車女官奉鈎筐前行郊至壇 皇后易禮服拜跪瘞奠飲福受胙如禮畢 皇后易常服遂視桑 初嘉靖九年夏言上清理 皇莊疏以負郭莊田為蠶厥梁材議建 皇城內 上曰周禮耕蠶分南北郊禁中唐制耳於是建先蠶壇于北郊 十年

世宗召張孚敬李時詣西苑相地建土穀壇并建先蠶壇于仁壽宮側毀北郊蠶壇

先農壇 洪武二年建先農壇于山川壇西南永樂中建壇于南京之制 壇在神祇壇

後石包甃砌方廣四丈七尺高四尺五寸四出陛壇東

為觀耕臺用木方五丈高五尺南東西三出陛

先蠶壇 嘉靖中始建在安定門外後改于西苑 壇石包甃砌方廣二丈六

尺高二尺四寸四出陛壇東為採桑臺用甃石方一丈

四尺高一尺四寸南東西三出陛

歷朝事例

洪武二年 上躬享先農以後稷氏配祀畢耕籍田于南

郊先農壇在籍田之北籍田在 皇城南門外 御耕

籍位在先農壇東南高三尺濶二丈五尺四出陛其神

位先農正位南向正配位幣各用青色其餘品禮儀並

與社稷同但不用玉仍加登三先農祝文曰惟神生於

天地開闢之初創田器別嘉種以肇興農事古今億兆

非此不生永為世教帝王典祝敬不敢忘其本庶民因

天下亂集兵保民一紀于茲荷天地眷佑海內一家臨

御稱尊紀綱黎庶考典崇祀即今東作方興禮宴告

祭謹 命太常官築壇京城之陽躬率百官詣壇展禮  
緬惟神明造化萬古如斯仰冀發太古之苗實初生之  
粟為民立命昭祀無疆謹以制幣犧牲粢盛庶品肅修  
常祀式陳明薦以后稷氏配作神主后稷祝文曰惟土  
膏脉起爰修耕籍田用薦常事于先農之神惟神躬協  
稼穡永宜昭配謹以制幣犧牲粢盛庶品式陳明薦作  
主侑神尚饗其樂章迎神奠帛並奏永和之曲迎神曰  
東風起蟄地脉奮然蒼龍騰掛燁燁天田民命惟倉創  
物有先園鍾既奏有降斯筵奠帛曲曰帝出乎震天發

農祥神降于邇藹藹洋洋禮神有帛其色惟蒼豈伊其  
物誠敬之將進俎奏雍和之曲曰制帛既陳禮嚴奉牲  
載之于俎祀禮孔明簋簋攸列黍稷惟馨民力普存先  
晉之靈三獻並奏壽和之曲初獻云九穀未分屢草攸  
同表為嘉種實在先農黍稷斯豐酒醴是供獻奠之初  
以祈感通亞獻云倬彼甫田其隰其原耒耜云載駟馭  
之間本斯亞獻執事惟虔神其歆之自古有年終獻云  
帝籍之典享祀是資潔豐嘉粟咸仰于斯特惟親耕  
享我農師禮成於三以乞陳詞徹豆送神並奏永和之

曲徹豆云於赫先農歆此潔修于篚于爵于饌于羞禮  
祀告徹神惠敢留駿及終畝豐年是求送神云神無不  
在於昭于天曰迎曰送予享之筵冕衣在列金石在懸  
往無不之其佩翩翩望瘞奏太和之曲云祀帛牲醴先  
農既歆不留不棄瘞之厚深有幽其瘞有赫其臨日臨  
之常匪今斯今配享樂章初獻云厥初生民粒食其天  
開物惟智邃古奚德思文后稷農官之先侑神作主初  
獻惟蠲亞獻云后稷配天興于有邰誕降嘉種有栽有  
培俶載南畝祇事三推侑神再獻歆我尊壘終獻云嘉

德之薦民和之豐帝命率育報本之供陳常時夏其德  
其功齋明有格惟獻之終其耕籍儀祀先農畢太常奏  
請詣耕籍位 皇帝至南向立公侯以下及應從耕  
者各就耕位戶部尚書北面進耒太常卿奏 復位南  
面三公五推尚書九卿九推各退就位太常卿奏禮畢  
太常導引 皇帝就次應天府尹及上元江寧兩縣令  
率庶人終畝是日 勞百官者宿於壇所

孝宗弘治元年奏堆耕籍禮畢順天府率兩縣官耆老謝  
恩之後引上中下等農夫各十人穿著本等衣鞋各執

農家器具朝見叩頭令其終畝耕畢人賜布一疋

世宗嘉靖九年續定儀注 每歲仲春上戊祭社稷及

先農先二日早順天府以耒耜及種蒔種進呈少項內

官捧耒耜及種蒔種授順天府官由午門左門出置

綵輿中鼓樂送至籍田所至日祭社稷畢味奠上

具翼善冠黃袍御奉天門太常寺官奏請詣先農

壇上陞輦鹵簿尊從詣壇所具服殿更衣致祭俱具祠祭

司祭畢上還具服殿更衣翼善冠黃袍少憩百官易便

服訖太常卿入奏請詣耕籍位導駕官同太常卿導

引上至耕籍位南向上三公以下從耕者各就耕位

戶部尚書北向跪進耒耜順天府官北向跪進鞭導

駕官同太常卿導引上東耒三推訖戶部尚書跪受

耒耜順天府官跪受鞭太常卿奏請復位順天府尹捧

青箱隨以種播而覆之上御觀耕臺觀三公五推尚

書九卿九推訖太常卿奏耕畢從耕官各就班導駕

官同太常卿導引上詣齋宮鴻臚寺官俟上陞座

奏從耕陪祭官叩頭奏順天府縣官老人叩頭訖順天

府率庶人終畝鴻臚寺官贊入班百官序列足致詞云



親耕既成禮當慶賀贊五拜三叩頭禮畢 賜百官  
酒飯鴻臚寺官承 旨贊入班百官一拜三叩頭禮訖  
尚膳監進膳三品以上官各就殿臺四品以下官臺下  
御路傍東西相向各 賜坐并宴勞者宿于壇傍教  
坊司承應用大樂隊舞村田樂卒戲跪奏致語進酒進  
湯進膳及百官行禮俱奏樂如常儀宴畢鴻臚寺官贊  
入班百官行一拜三叩頭禮訖 駕興還 宮 是年  
令以籍田舊地六頃三十五畝九分六釐五毫撥與壇  
丁耕種歲出黍稷稻粱芹韭等項餘地四頃八十七畝

六分二釐九毫除建 神祇壇外其餘九十四畝三分  
五釐六絲四忽亦撥與壇丁耕種上納子粒俱輸於  
南郊神廩以供 大祀等項築成 十年戶部題准籍  
田五穀種子每畝合用一斗本部發銀行順天府收買  
送用以後年分於收穫數內照地存留備用合用農器  
犁四張耜四張鍬十把鋤十把鍬十把扒十把叉十把  
鎌刀十把掃帚十把蓑笠十副碌碡四箇大小麻繩共  
一百條筐擔十副禮部發銀順天府買造每地一頃合  
用耕牛四隻禮部發銀順天府收買每日草料行裏牛

房照教放支責付耕夫喂義每地一頃用夫十名行順  
天府宛大二縣取用俱免本身差役仍行太倉每名月  
支口糧五斗 十二年題准祈穀壇并犧牲所每年七  
常寺呈工部支取石灰一萬斤工食銀二十兩給付各  
該人員修飾

穆宗隆慶二年己丑禮部請 聖駕親祭先農 上躬耕  
籍田儀注 一前期三日太常寺進祝版 上御文華  
殿親填御名訖太常寺博士捧出安于香帛亭內擡至  
先農壇暫安于神庫順天府官以來耜及種稔種子

午門外伺候早朝畢捧至 皇極門內官進呈訖少頃  
仍捧出順天府官捧由 午門左門出置絲輿鼓樂送  
至籍田所 一先期一日 上常服以親蚕先農并行  
耕籍禮預告于 奉先殿 世宗皇帝几筵 弘孝殿  
神霄殿 一正祭免朝 上御皇極門太常寺堂上  
官奏請 聖駕詣先農壇致祭并行耕籍禮錦衣衛官  
備法駕設輦于 皇極門下正中 上常服乘輦鹵簿  
導從由 大明門出詣壇所導 駕官導 上至具服  
殿候報時具皮弁服出導 駕官導 上詣先農壇服

祭先農禮如常儀祭畢導 駕官導 上回至具服殿  
更翼善冠黃袍太常卿侍百官俱從 上至耕籍位南  
向立三公以下從耕者各就從耕位戶部尚書北向跪  
進耒耜順天府府尹北向跪進鞭導 駕官同太常卿  
導引 上秉耒三推三返戶部尚書跪受耒耜順天府  
府尹跪受鞭太常卿奏請復位順天府尹捧青箱隨以  
種子播而覆之 上御外門南向坐觀三公五推九卿  
九推訖太常卿奏耕畢從籍官各就位教坊司承應太  
常卿奏禮畢導 駕官同太常卿導引 上還具服殿

俟 上陞座鴻臚寺官奏順天府官并西縣官耆老人  
等行禮贊五拜三叩頭禮畢率庶人終畝鴻臚寺官贊  
入班候百官序列定致詞慶賀贊五拜三叩頭禮畢鴻  
臚寺官拱聽 聖旨 賜酒飯鴻臚寺官承 旨訖贊  
入班一拜叩頭尚膳監進膳三品以上官各就 丹陛  
上 賜坐四品以下官臺下序立并宴勞耆宿于壇旁  
宴畢鴻臚寺官贊入班一拜叩頭奏禮畢 駕興還  
宮鹵簿導從並如來儀太樂鼓吹振作 上還仍詣  
奉先殿及 世宗皇帝几筵 弘孝殿 神霄殿參謁

如前儀

今上萬歷四年題准 先農壇每年春秋二季行太常寺  
委官摘撥壇戶將瓦甃上草木芟除墻垣行管理南城  
司官巡視如有剝裂處所量取甃石雇募匠作修補

西苑耕斂

世宗嘉靖十年 命墾西苑內隙地為田 諭禮工二部

建 帝社 帝稷壇每歲仲春秋行祈報禮

儀注見祠祭司於

壇東北建殿曰無逸亭曰函風又建亭曰省耕曰省斂  
每歲收穫 上親臨以重農事置倉曰恒裕貯田之所

入以供祀事

祈禳

宋理宗景定五年上有疾命官分禱天地宗廟社稷宮觀  
遼太祖神冊四年十月次烏古部天大風雪兵不能進上  
禱于天俄頃霽

太宗天顯五年六月以皇太后疾祈太祖廟

聖宗統和四年十月皇太后為帝祭神祈福

金海陵正隆二年東京水溢暴至城下水與城等決女墻

石罅中流入城湍激如湧城中人惶駭世宗時為留守

親登城舉酒酌天水退

章宗永安五年八月以皇嗣未生祈于太廟 太和二年

以無儲徧禱群神閏十二月皇子生遣使報謝北嶽及

長白山

宣宗貞祐三 九月以河水決遣叅知政事候摯祭河神

于宣州 興定三年八月地震遣禮部尚書楊雲翼祭

社稷

元

世祖至元二年勅僧道祈福于中都寺觀 十六年以朝

元辰命五祖真人李居壽作醮事奏赤章凡五晝夜

十八年命天師張宗演即宮中奏赤章於天七晝夜

二十八年遣官持香詣中嶽南海淮瀆致禱又遣真人

張志仙持香詣東北海嶽濟瀆致禱

成宗大德十年上有疾遣宣政院使禱于太廟

武宗至大四年時仁宗未改元崇星于回回司天臺又崇五星于

司天臺

仁宗皇慶二年崇星於司天臺 延祐五年遣王毅崇星

於司天臺三晝夜六年亦如之 七年時英宗未改元崇星於

續文獻通考

司天監 是年宮人官奴坐用日者請太皇太后崇星  
扶之籍其貲又以天壽節預遣使修醮龍虎山 又遣  
使崇星于回回司天監四十晝夜

英宗至治元年崇星于司天臺 二年禁民集衆祈神

是年崇星於五臺山 三年特泰定未改元崇星于司天臺者

二

泰定帝泰定元年命司天監崇星又崇星于上都司天監

又崇星於回回司天監二年亦如之 以皇子生命

巫祓除於宮 三年修佛事厭雷于崇天門 又以天

壽節遣道士祠衛輝太一萬壽宮 四年命西僧作止

風佛事 又以鹽官州海溢天師張嗣成修醮以禳之

又崇星于回回司天臺 又以回回陰陽家言天變

給鈔二千錠施有道行者及免人繫囚以禳之

文宗天曆元年命司天臺營星 二年命司天監及回回

司天監崇星 是歲祓祭於太祖幄殿 至順元年命

回回司天監崇星 又命西僧崇星 又命司天監崇

星 又命西僧於五臺及霧靈山作佛事各一日為皇

太子祈福

皇明

世宗嘉靖二年暖殿太監崔文以禱祀誘上醮祭立西天西番二殿揚廷和諍之不得給事中鄭一鵬言一醮之費至用金錢一萬八千以月計之不知幾百萬今天災時變月無虛日京師之民累席行乞柰何徇倖之言而飽僧道之腹哉願改西天殿為寶訓殿以貯訓西番殿為古訓殿以貯奏疏經筵之暇遊息其中壽何以不若堯舜治何以不若唐虞上曰天時饑饉齋祠其暫輟之十年定祈穀禮一前期五日 上詣

儀牲所視牲先一日告廟及還參拜俱如太祀之儀告辭曰明日恭視祈穀牲儀參拜次日視牲還以後命大臣輪視如常儀一前期四日太常寺奏祭祀諭百官致齋三日 上親填告請 太祖祝版于

文華殿 一前期三日 上詣 太廟請 太祖配神以脯醢酒果行再拜一獻禮祝文曰維嘉靖某年歲次某甲子某月某朔某日 孝玄孫嗣皇帝 御名 敢昭

告于 皇祖太祖高皇帝曰茲以今月某日啓蟄之辰 恭祀 上帝于圜丘為民祈穀謹請 皇祖侑 神伏

惟 鑒知。一前期二日太常卿同光祿卿奏省牲如  
 常儀 一前期一日 上親填祝版于 文華殿遂告  
 于 廟告辭曰 孝玄孫嗣皇帝 御名 明日祇詣南  
 郊行 祈穀禮請詣 祖宗列聖帝后神位前恭預告  
 知夜二鼓禮部尚書上香侍郎導引太常卿捧詣 神  
 版奉安于壇位俱如 大祀之儀 一陳設 上帝位  
 犢一玉用蒼璧一帛一 青色 登一簋簋各二籩十二豆  
 十二蒼玉爵三酒尊三篚一祝案一配 帝位同惟不  
 用玉 一正祭是日 上常服乘輿至 昭享門右

上降輿導引官導 上至大次具祭服出由左門入至  
 陛 上行祭禮如 大祀之儀 惟不燔柴 上還至

廟參拜致辭曰 孝玄孫嗣皇帝 御名 祇詣 南郊祈

穀禮成躬請 祖宗列聖帝后神位前謹用參拜畢還

宮 一祝文 維嘉靖某年某月某日 嗣天子 臣

御名 祇奉于 皇天上帝曰 候惟啓藝農事將舉爰以

茲辰敬祈 洪造謹率臣僚以玉幣犧齊案盛庶品備

斯明潔恭祀 上帝于 圜丘仰希 垂鑒錫福烝民

俾五穀以皆登普萬方之咸賴奉 太祖聖神文武欽



明啓運峻德成功統天大孝高皇帝侑 神尚享 十  
一年壬辰春正月辛丑祈穀于 大祀殿 命侯郭勛  
代之 十七年戊戌春正月壬寅 帝祈穀于 大祀  
殿 三十四年海倭猖獗工部侍郎趙文華請禱祀東  
海以禱其魄 上命文華往 賜印令得密啓言事  
三十六年夏四月 三殿災辛丑告祭 郊廟社稷二  
十二日舉祀 高玄大典 三十九年二月驚蟄遣官  
祈穀于 玄極殿 四十一年夏六月不雨 上禱雷  
壇得雨群臣表賀 冬十一月虜犯通州烽火達 宮

中 上頓足曰楊博敗我家事奈何 諭遣官奉告  
郊廟

今上萬曆四年題准月食救護遇日出之刻即止不待復  
圓凡祈禱雨雪及晴禮部題請行順天府率所屬人員  
于都城隍等廟行香禁屠宰三日百官就各衙門致齋  
青衣角帶辦事凡各處雨澤有無乾溢霪足俱要依期  
備細造冊申報禮部查考 二十六年四月文書房傳  
旨 朕先年謁祭 天壽山及擇看 壽宮回鑾道  
經金山地方見一廟宇傍有一泉名曰黑龍潭山形秀

異泉水清奇朕駐蹕幸焉邇年一來或遇祈雨遣禱輒  
應昨因入春徂夏雨澤愆期 朕甚焦勞每日夜分在  
于 宮中乘誠露禱復遣正一嗣教大真人張國祥前  
赴彼潭建立壇場自本月十七日起至二十日止竭虔  
祈禱即于十八日甘霖旋降又十九至二十日大雨普  
施四郊霑足三農慶幸 天德龍功神靈響應 朕心  
不勝感戴忻慰欲加封龍王廟及龍津潭名號立碑刻  
文表述護國濟民靈應顯化之功卿等議擬來行因加  
封廟號為護國濟民神應龍王廟潭名為神應龍潭

續文獻通考卷之一百十

皇明進士雲間王圻纂輯

郊社考 告祭至雜祠

告祭 禡

宋

寧宗嘉定十四年以立皇太子告于天地宗廟社稷又奉  
安王璽於天童閣命近臣告於天地宗廟社稷 十七  
年以皇帝登寶位告于天地宗廟社稷宮觀諸陵  
理宗寶慶三年以奉上寧宗皇帝徽號冊寶告於天地宗

廟社稷宮觀 詔定四年以火災告于天地宗廟社稷  
端平元年以金國滅亡奏告宗廟社稷 嘉熙三年  
以潮患告於天地宗廟社稷宮觀 淳祐五年以禱雨  
奏告天地宗廟社稷宮觀 寶祐二年以明堂大禮奏  
告天地宗廟社稷又以皇子忠王加冠禮命從臣詣景  
靈宮奏告天地祖宗 五年以並侑高宗皇帝奏告天  
地宗廟社稷 開慶元年以邊事孔棘命群臣奏告天  
地宗廟宮觀岳瀆諸陵 景定元年詔以邊事肅清命  
元祈禱官各詣致謝 以明堂大禮奏告天地宗廟社

稷宮觀 又以冊立皇太子奏告天地宗廟社稷宮觀  
四年以明堂大禮奏告天地宗廟社稷宮觀

遼

具制皇帝親征將出師必先告廟乃立三神主祭之曰先  
帝曰道路曰軍旅刑青牛白馬以祭天地其祭常依獨  
樹無獨樹即所舍而行之或皇帝服介冑祭諸先帝宮  
廟乃閱兵將刑牝牡麋各一為禴祭將臨敵結馬尾祈  
拜天地而後入下城克敵祭天地牲以黑白羊班師以  
獲牲馬牛各一祭天地出師以死囚還師以一謀植柱

縛其上於所向之方亂射之矢集如蝟謂之射兕箭

太祖元年正月命有司設壇于如迓王集會塙燔柴告天  
即皇帝位 天顯元年正月以降渤海王譚饌祭告天  
地 八月皇子述律生告廟

太宗大同二年以出師雲中告天地又命大內惕隱告出  
師于太祖行宮 十二年正月以南援石敬瑭立為帝  
告功于太祖行宮

穆宗應曆九年十二月祀天地祖宗告逆黨事敗

景宗乾亨二年十月以將南伐命巫者祀天地及兵神又

### 祭旗鼓

聖宗統和四年三月以親征宋告陵廟山川 四月以休  
哥伐宋捷酒脯祭天地又以復涿州告天地 七月以  
伐宋捷告天地 十六年五月祀木葉山告來歲南伐  
天祚帝乾統二年十一月以受尊號告廟

遼人常行柴冊禮其儀擇吉日前期置柴冊殿及壇壝  
之制厚積柴以木為三級壇置其上席百尺種龍文方  
茵又置再生母后稷索之室皇帝入再生室行再生禮  
畢八部之叟前道後躡左右扶翼皇帝冊殿東北隅拜

日畢乘馬還外戚之老者御皇帝疾馳仆御者從者以  
壇覆之皇帝詣高阜地大臣諸部師列儀仗遙望以拜  
皇帝遣使勅曰先帝升遐有伯叔父兄在當選賢者冲  
人不德何以為謀群臣對曰臣等以先帝厚恩陛下明  
德咸願盡心敢有他圖皇帝令曰必從汝等所願我將  
信賞必罰爾有功陞而任之爾有罪黜而棄之若聽朕  
命則當謀之僉曰惟帝命是從皇帝于其地封土石誌  
之遂行拜先帝御容宴享群臣翌日皇帝出冊殿護衛  
太保扶翼升殿奉七廟神主置龍文方茵北南府宰相

率群臣環立各舉壇邊贊祝訖樞密使奉玉寶玉冊入  
有司讀冊訖樞密使稱尊號以進群臣三稱萬歲皆拜  
北南院大王諸部師進赭白羊各一群皇帝更衣拜諸  
帝御容燔柴祭天遂宴群臣賜賚各有差 行告廟儀  
至日臣僚昧爽朝服詣太祖廟次引臣僚合班先見御  
容再拜畢引班首左上至褥位再拜贊上香揖欄內上  
香畢復褥位再拜各祇候立定左右舉告廟祝版于御  
容前跪捧中書舍人跪讀訖伏興退引班首左下復位  
又再拜分引上殿次第進酒三分班引出

金

太宗天會元年正月即皇帝位告祀大地 三年七月幹  
魯以遼主至京師告於太祖廟

海陵貞元四年正月上尊號前三日遣使奏告天地于常  
武殿拜天臺設褥位昊天上帝居中皇地祇居西少却  
行一獻禮

世宗正隆六年十月官屬勸進親告於太祖廟即帝位  
大定七年正月十一日上尊號前期三日命皇子訐王告  
天地英王告太廟 十四年三月十七日詔更御名命

左丞相良弼告天地平章守道告太廟右丞相石琚告  
昭德皇后廟禮部尚書張景仁告社稷及遣官祭告五  
嶽

章宗明昌六年五月以出師遣禮部尚書張幃告于廟社  
衛紹王大安元年四月徐邳州河清五百里告宗廟社稷  
宣宗貞祐四年三月以將修太廟遣李革奏告祖宗神主  
于明俊殿 興定三年十月以慶雲見遣官告太廟  
告天地儀 大定時先於舊拜天處設昊天上帝位當  
中南向皇地祇位次西少却並用坐褥位牌及香酒脯

續文獻通考  
五  
齋等祝版三學士院撰祝文書寫訖進請御署訖以付  
禮部移文宣徽院并差控鶴官冊案昇覆以黃羅帕隨  
所差告官詣祝所前一日告官等就局官致齋一日告  
日質明宣徽院太常寺鋪設位具如儀閣門舍人一員  
太常博士一員引告官各服以次就位禮官舍人稍前  
贊有司謹具請行事贊者拜在位者皆再拜禮直官先  
引執事官各就位舍人博士次引告官詣盥洗爵洗位  
北向立搯笏盥手帨手洗爵拭爵詣酒尊所搯笏執爵  
司尊者舉甯酌酒告官以爵授奉爵酒官執笏詣昊天

上帝皇地祇神位前再拜每位三上香跪奠酒訖以爵  
授奉爵官執笏帨伏興舉祝官跪舉讀訖帨伏興告官  
再拜告畢引告官以下降復位再拜訖詣望燎位燔祝  
版再拜半燎告官以下皆退 告廟儀 凡皇帝即位  
加元服受尊號納后冊命巡狩征伐封祀請謚營修寢  
廟諸有大事皆告或一室或編告及原廟並獻一禮用  
祝幣皇統以後凡皇帝受尊號冊皇后太子祔祫升祔  
奉安奉遷等事皆告郊祀則告配帝之室其儀注前期  
二日太廟令掃除廟內外設告官以下次所前一日行

事官赴祀所清齋告日前丑刻禮直官引太廟令師其  
屬入殿開室戶掃除鋪筵設几于北牖下如朝享儀禮  
直官師祀祭官陳幣篚于室戶之左陳祝版于室戶之  
右案上及設香案祭器皆藉以蒲席每位各左一邊實  
以鹿脯右一豆實以鹿藿犧尊一置於坵加勺簠在殿  
上室戶之左北向實以酒每位一瓶設祝于神位前又  
設盥爵洗位橫街之南稍東設告官褥位於殿下東階  
之南西向餘官在其後稍南又設望燎位於西神門外  
之北告日未明禮直官引太廟令太祝宮闈令入當階

間北面西上立定奉禮贊再拜訖升自西階太祝宮闈  
令各入室出神主設於座如常儀次引告官入就位禮  
直官稍前贊有司謹具請行事又贊再拜在位者皆再  
拜訖禮直官引告官就盥洗位盥手訖詣神位前措笏  
跪三上香執事者以幣授奉禮即西向授告官告官受  
幣奠訖執笏俛伏興退就戶外位再拜詣次位行禮如  
上儀訖降復位少頃引告官再詣爵洗位讀祝舉祝官  
從後至位北向立措笏洗爵拭爵訖授執事者執笏詣  
酒尊所西向立執爵執尊舉簠酌酒告官以授執事者



請神位前北向搢笏跪執爵三祭酒執笏俛伏興退就  
戶外位北向立俟讀祝文訖再拜請次位行禮如上儀  
訖與讀祝官皆復位禮直官贊曰再拜在位者皆再拜  
次引告官以下請望燎位執事者取幣帛祝版置于燎  
禮直官曰可燎半柴禮官贊禮畢告官以下退署令闈  
廟門瘞祝于坎

元

憲宗戊午歲冬十一日

世祖未即位

代宋禡于開平東北是日

啓行 七年夏六月謁太極行宮祭旗鼓 至元十年

以皇后皇太子受冊寶遣太常卿合丹告于太廟七月  
以修太廟將遷神主別殿遣張文謙等祭告 十二年  
以受尊號遣使預告天下太常檢討唐宋金舊儀于  
國陽麗正門東南七里建祭臺設昊天上帝皇地祇位  
二行一獻禮自後國有大典禮皆即南郊告謝焉 十  
三年以平宋遣官告天地祖宗于上都之近郊 十五  
年六月太廟殿柱朽腐命大常少卿伯麻思告于太廟  
乃易之 十六年二月命李居壽告祭新歲 二十三  
年九月以太廟雨壞遣兗吉刺帶致告奉安神主別殿

成宗即位為壇於都城南七里遣司徒率百官為大行皇

帝請謚南郊為告天請謚之始大德七年以立皇太子遣告昊

天上帝及太廟十一年武宗即位遣御史大夫即南

郊告謝天地主用栢素質黑書為即位告謝之始

武宗至大三年以皇后受冊遣宮告謝太廟 申子以上

皇太后尊號告祀南郊及太廟

仁宗皇慶元年以即位告天地於南郊及太廟 延祐二

年二月甲子以皇后受冊寶遣官告祭天地於南郊及

太廟 三年以立皇子告于天地宗廟社稷 六年八

月甲午以授皇太子冊寶告祭于南郊及太廟 七年

英宗未改元以即位告祭于南郊社稷及太廟

泰定帝即位遣使至大都告天地宗廟社稷 泰定元年

遣官攝祭南郊及太廟以冊皇后太子告 致和元年

時文宗攝位周王和世竦即帝位遣左丞相鐵木兒補化攝

告即位于郊廟社稷

文宗天曆二年以冊命皇后告於南郊及宗廟 至順元

年以受尊號告祭南郊 三年八月寧宗即位以即位告祭

郊廟及社稷又以上皇太后玉冊告祭郊廟

順帝元統二年以上每宗皇帝謚號告祭南郊又以太廟  
木陛壞遣官告祭 至元元年以上皇太后冊寶遣官  
告祭天地及太廟 又以太皇太后玉冊玉寶成遣官  
告祭於太廟 至正三年以將祀南郊告祭太廟 十  
三年以立皇子告祭天地宗廟 十五年以郊祀命皇  
太子祭告太廟

祭告天地三獻儀 告前三日三獻官諸執事官具公  
服赴中書省受誓戒前一日未正二刻省牲器告日質  
明三獻官以下諸執事官各具法服禮直官引監祭禮

以下諸執事官先入就位立定監祭禮點視陳設畢復  
位立定大官令率齋郎出禮直官引三獻司徒太常禮  
儀院使光祿卿各就位立定禮直官贊曰有司謹具請  
行事降神樂作六成止太常禮儀院使燔牲首復位立  
定奉禮贊三獻以下皆再拜就位禮直官引初獻詣盥  
洗位盥手訖陞壇詣昊天上帝位前北向立搯笏跪三  
上香奠玉幣出笏俛伏興再拜訖降復位禮直官引初  
獻詣盥洗位盥手訖詣爵洗位洗爵拭爵訖詣酒尊所  
酌酒請詣昊天上帝神位前北向搯笏跪三上香執爵

三祭酒于茅苴出笏俛伏興俟讀祝訖再拜平身請詣  
皇地祇酒尊所酌獻並如上儀俱畢復位禮直官引亞  
獻並如初獻之儀惟不讀祝降復位禮直官引終獻並  
如亞獻之儀降復位奉禮贊賜胙衆官再拜在位者皆  
再拜禮直官引三獻司徒太常鄉光祿卿監祭監禮等  
官請詣望燎位南向立定俟王幣祝版禮直官贊可燎  
禮畢

祭告天地一獻儀 告前二日郊祀令掃除壇壝內外  
翰林國史院學士撰寫祝文前一日告官等各公服捧

祝版進請御署訖司御香上尊酒如常儀迎至祠所齋  
宿告日質明前三刻禮直官引郊祀令率其屬詣壇鋪  
筵陳設如儀禮直官二員引告等具紫服以次就位  
東向立定禮直官稍前曰有司謹具請行事贊者曰鞠  
躬拜興拜興平身禮直官先引執事官各就位次請告  
官前曰請詣盥洗爵洗位至位北向立曰搢笏盥手帨  
手洗爵拭爵出笏請酒尊所曰搢笏執爵司尊者舉尊  
曰酌酒良醞令酌酒曰以爵授執事者告官以爵授執  
事者日出笏請昊天上帝皇地祇神位前向北立稍前

曰搢笏跪三上香三祭酒以爵授捧爵官曰出笏俛伏  
興舉祝官跪曰舉祝讀祝官跪曰讀祝讀訖舉祝官奠  
祝版于案俛伏興告官再拜曰鞠躬拜興拜興平身引  
告官以下降復位禮直官贊曰再拜鞠躬拜興拜興平  
身詣望燎位燔祝版半燎告官以次皆退座於祭所  
告祭社稷之儀 告前三日三獻官以下諸執事官各  
具公服赴中書省受誓戒告前一日省牲噐告日質明  
三獻官以下諸執事各服其服禮直官引監祭監禮以  
下諸執事官入自北牖下南向立定奉禮即贊曰再拜

在位官皆再拜訖奉禮即贊曰各就位立定監祭監禮  
視陳設畢復位立定禮直官引三獻司徒太常卿光祿  
卿入就位立定禮直官贊有司謹具請行事降神樂作  
八成止太常卿瘞血復位立定奉禮贊皆再拜訖禮直  
官引初獻官詣盥洗位盥手訖詣社壇主位神座前南  
向搢笏跪三上香奠玉帛執笏俛伏興再拜詣配位神  
座前西向搢笏跪三上香奠幣執笏俛伏興再拜訖詣  
稷壇盥洗位盥手訖升壇並如上儀俱畢降復位司徒  
率齋郎進饌奠訖降復位禮直官引初獻官詣盥洗位

盥手訖詣爵洗位洗爵訖詣酒尊所酌酒訖詣社壇神位座前南向立搯笏跪三上香執爵三祭酒於茅首爵授執事者執笏俛伏興俟讀祝 讀祝訖再拜興詣酒尊所酌酒訖詣配位神座前西向搯笏跪三上香執爵三祭酒于茅首爵授執事者執笏俛伏興俟讀祝文訖再拜興詣稷壇盥洗位盥手洗爵酌獻並如上儀俱畢降復位禮直官引終獻並如亞獻之儀俱畢降復位大祝徹籩豆訖奉禮即贊賜胙衆官再拜訖禮直官引三獻司徒太常卿詣瘞坎位南向立定禮直官贊可瘞禮

畢出禮直官引監祭監禮太祝齋即至北牖下南向立定奉禮贊再拜皆再拜訖出

攝行告廟儀

如受尊號上太皇太后皇太后冊寶冊立皇后皇太子凡國家典禮皆告于宗廟

前期二日太廟令掃除內外翰林國史院學士謨寫祝

文前一日告官等致齋一日其日告官等各服紫服奉

祝版進請御署訖差控鶴用紅羅銷金案搯昇覆以黃

羅帕并奉御香御酒如常儀迎至祀所齋宿告日質明

前三刻禮直官引太廟令率其屬入廟殿開室陳設如

儀禮直官引告官等各服紫服以次入就位東向立定

禮直官稍前贊曰有司謹具請行事贊者曰再拜在位者皆再拜禮直官先引執事者各就位次引告官詣盥洗爵洗位北向立播笏盥手帨手洗爵拭爵訖執笏詣酒尊所播笏執爵司尊者舉幕良醞令酌酒以爵授奉爵官執笏詣太祖室再拜執事者奉香告官播笏跪三上香執爵三祭酒以虛爵授奉爵官執笏伏興舉祝官播笏跪對舉祝讀祝官詭讀祝文訖奠祝於案執笏俛伏興禮直官贊告官再拜每室並如上儀告畢引告官以下降復再拜訖詣望座燔祝再拜半燎告官以下皆退

皇明

太祖吳元年春正月乙亥即位祭告 天地于鍾山之陽

洪武元年 幸中都祭告 天地

成祖永樂六年定北狩儀注 車駕將發奏告 天地社

稷 太廟 孝陵及大江旗纛等神祇祭于 承天門

其經過處所滁州遣官祭滁陽王泗州遣官祭 祖陵

鳳陽祭 皇陵祭淮關里遣官祭 先師孔子望祭泰

山沿途古先聖王忠臣烈士祠墳禮部預期奏聞遣官

致祭將至北京境上設壇祭北京山川等神 車駕至

北京奏告 天地祭告境內山川等神 二十二年上  
尊謚前一日遣官祭告天地 宗廟社稷如常儀至  
發引前三日遣官告葬期同上

武宗正德十三年 太皇太后王氏將祔葬 上詣天壽  
山祭告 六陵

世宗嘉靖十五年 上如天壽山奉遷 孝肅 孝穆

孝惠三后神主于 茂陵享殿還告 祖考于內殿

十八年二月十六日 駕幸承天視 顯陵先期祭告

天地 宗廟諸神如永樂儀注四月十五日回京

上親奏謝 皇天子玄極寶殿同日告謝 皇祖太廟

皇考睿宗廟文武官祭服陪拜又遣官分告 北郊

成祖 列聖群廟社稷朝日夕月 天神 地祇太

歲旗纛都城隍等神及 承天門之神回鑾 命禮官

告 太廟及 奉先殿 又親征先期祭告 天地

宗廟 社稷禡祭旗纛所過山川皆行告祭師還奏凱

獻俘于 廟社以露布 詔天下祭儀詳王禮考 二

十年 仁成二廟神主燬于火 九廟皆災奉 列聖

主于景神殿遣大臣入 長陵獻陵告題 仁成二主



奏謝 上帝 二十四年是世子英翟弒父顯格 命  
 公朱希孝祭告 祖廟斬于市焚屍揚灰 三十年仇  
 鸞令義男時義厚賂俺答縛送叛人蕭芹等三十人致  
 巡撫史道所道上言 內閣元輔贊翊睿謀戎政大將  
 功成互市家卒時義結信虜酋歸縛兇逆功當首叙本  
 兵覆議擬卜日告報 玄貺 是年朵顏叛夷哈丹兒  
 陳通事潛道虜入薊塞為遊卒所獲禮部請告謝靈壇  
 郊廟行獻俘禮 三十五年趙文華報浙中倭捷以  
 十二月獻倭俘舉謝玄貺大典 三十七年閏七月西

苑獻嘉禾祭告 太廟

穆宗隆慶二年冊立 東宮前一日遣官祭告 天地

宗廟社稷至日早 上親告 奉先殿 世宗几筵

弘孝殿 神霄殿俱用祝文祭品 六月以陝西地震

命撫臣張祉告祭西嶽華山西鎮吳山之神 三年

三月遣太常寺官祭東嶽泰山之神 八月以洪水為

患 命總督河道都御史翁大立祭大河大濟之神巡

撫鳳陽等處侍郎趙孔昭祭大江大淮之神巡撫山東

都御史姜廷頤祭東嶽泰山東鎮沂山之神巡撫都御

史谷中虛祭東海南鎮會稽之神巡撫保定都御史朱  
大器祭北嶽恒山之神 六年二月初七日 東宮加

冠遣太臣一員前期一日具特牲告 廟

今上萬曆二年奏捷儀注 凡宣捷百官稱賀畢本日即

遣官祭告 郊 廟行翰林院撰文太常寺辦祭品中

捷以下不行祭告 二十七年閏四月禮部接出 聖

諭去冬至今亢旱為灾已歷三時河井乾竭二麥枯槁

民無所賴朕日夜焦思動念深為失德致此你部裡俱

具義遣官祭告 天地社稷山川并應祀神祇神廟竭

誠祈禱內外大小臣工着令痛加修省各勤職業以回

天意毋得徒飾虛文

雜祠

宋

徽宗宣和間加封徽州府烏聊山廣惠王廟隋末盜起郡  
人汪華有保障功後因立廟祀之

高宗紹興中建東平忠靖王廟于杭州秀義坊以祀張巡  
巡故有廟在汴南渡初凡汴之有廟者皆得從祀于杭

因祀巡於此 又黎州郡守邵溥重新諸葛武侯廟傍

曰天成又作二室于左右左塑唐高宗像右塑唐李德裕像二人皆鎮巴蜀能使吐蕃無侵者 又勅建吳玠廟于西蜀仙人閣扁曰忠烈 又賜德安知府陳規廟額曰賢守追封忠利侯以規能禦虜保城也 廣濟廟在茅山前有龍池昔陶隱居養龍于此歲旱禱雨輒應 時勅封敷澤廣惠侯 建安縣龍焙地主封為忠應侯 累加致靈潤物廣祐侯進封世濟公夫人范氏封協濟 夫應地主姓張名庭輝偽閩時人歲修茶貢祈禱多驗 詔賜北洛里神廟為昭福封忠候候詔詞有曰旱潦病

吾民而雨陰功弭其災寇賊擾吾民而雨神力銷其變

郭將軍廟 賜額為威鎮廟累封廣澤孚惠忠應侯

威濟祠金人渝盟李寶臣自海道禦之至石白山禱

焉因風縱火焚虜舟虜大敗事聞詔封祐順侯立廟于

楚州 威遠侯廟祀楊氏祖時封威遠侯馮熙間加號

英濟 古田縣羊角龍王廟十四年賜為靈淵廟封靈

濟侯 十五年密州觀察使張淵奉詔統禁旅三千討

江廣亂寇以保汀漳有功于民次年知縣陳致一為立

張都統祠 福頂山神十九年封為普濟侯至二十九

年加威顯乾道三年加靈應 二十二年重新邵武縣  
 歐陽太守惠應廟太守名祐仕隋為泉州守聞隋鼎既  
 遷挈家溺死 禮澤廟在尤溪縣嫩虎跳潭二十二年  
 早縣令范周翰禱之響應狀其事以聞賜今額 魚溪  
 虞雄廟二十六年賜為昭應廟乾道二年加封惠濟咸  
 淳二年改封德顯公 閩清縣梅川候陳氏之神三十  
 年封為昭顯候 是年又封陳氏之神為英惠靈顯候  
 建賜縣威惠候三十年進封為顯濟靈應忠祐威德  
 王夫人黃氏十年封慈懿夫人又加號幽贊三子亦各

加號協義候曰廣利協信候曰廣澤協濟候曰廣應按  
 神名陳涯為邑錄事以直方清翰為已任子三人俱以  
 行義稱唐貞元中父子以讒同時遇害投於溪湖流而  
 上數十里邑人收而瘞之立廟以祀 鎮閩王廟三十  
 一年以膠西之役禱于神戰克捷乃加封英護夫人封  
 贊靈左封靈應廣惠候加協威右封顯應嘉澤候加翊  
 忠

孝宗隆興元年尊上建寧府城隍惠寧候加號為福應張  
 刺史昭應候加號靈貺陸刺史嘉德候加號顯應 乾

道中建岳飛廟于邠州賜額曰忠烈

羅汝楫子恩拜飛  
遽卒飛憾不釋也

淳熙中詔建岳飛廟于安陸州稱忠烈岳武穆公祠

又即智果院立少保岳武穆公廟賜額褒忠又立忠祐

廟于公故宅旁有銀瓶娘子廟以飛幼女抱銀瓶赴井

死也後嘉靖中追封岳飛為鄂王又湯陰縣亦建廟

張相公廟後漢張平子祠也水旱有禱必應十六年勅

賜賢惠慶元四年封昭應侯

寧宗慶元六年靈顯忠惠公廟加封為靈祐善應王

嘉泰二年

加號廣濟開禧三年復加號昭惠淳祐  
八年更封靈祐福應成濟信順王

嘉泰三年賜

福州通應廟額曰永惠 開禧特和州守臣周虎有却

敵保成功時人比之張巡建廟以祀之淳祐七年賜額

曰忠烈 嘉定中太平守建虞允文祠于廣濟寺寶祐

間郡人請別立廟江上賜額曰英烈 又白知微以安

丙平吳曦有功請為立廟曰安公祠 又丁燾帥興元

請建張虞二相祠祀張浚虞允文 閩縣令林浦上唐

人有捍災禦患功封廣成通濟王廟 樂山神祠在永

春縣泉州早郡守蔡襄禱之其雨如注襄以狀聞封為

善利王尋加號顯濟廟從神曰陳益累封仁福王黃為

累封輔國忠惠侯 又封秀水順濟龍王廟為靈澤候  
又勅封陳蘇為英惠王 崇祀廟在房縣西祀本州  
人封額為顯應

理宗寶慶初龍州知州洪咨夔毀鄧艾廟為諸葛亮廟告  
其民曰毋事仇讎而忘父母 紹定初汀州招捕使陳  
鞞郡守李華權郡王忤皆有平寇保土功立三賢祠以  
祀之 古田縣黃師蓋紹定六年封為靈祐候廟為顯  
應廟 崇安縣冲鈔真君端平元年進封為協濟候嘉  
熙二年加號鈔感 真君名子  
騫秦時人 靈應廟在古田縣有祈

輒應端平三年令傳康狀其事于朝賜額為靈應淳祐  
元年封道愛候後復加孚惠 永福縣神長者三郎嘉  
熙二年封為廣靈將軍次四郎為助聖將軍四年長進  
封協忠候次進封助順候 古田縣陳昌女淳祐間封  
為崇福昭惠慈濟夫人賜廟額為順懿 淳祐特建嚴  
子陵祠于富陽縣東觀山建諸葛孔明祠于武岡川  
六年建將樂縣穆肅廟額曰顯惠肅乃隋臣義不事唐  
投水而死 福清縣神陳姓者能禁虎為暴淳祐中封  
顯濟靈祐候勅賜廟額為孚應 懷安縣張德清廟淳

祐五年封為慈濟候賜廟額曰善應 錢塘令朱蹕及  
尉曹將金勝祝成淳祐十年立廟賜額曰靈衛 閩縣  
顯應廟淳祐十一年賜額曰靈顯神乃劉氏兄弟三人  
行全德全待全也禦黃巢之亂保閩大有功焉 寶祐  
時泰寧州尹翔立梅仙祠祀梅福以福避王莽隱居于  
此後不知所終人傳仙去故稱仙立祠 閩縣陳礪開  
慶元年封為仁濟候弟巖為惠濟候祠始翔于盧川嘉  
祐七年春一夕雷雨大作神之香火遷于飲食山之西  
麓開禧二年惶嘉定二年水十二年雨雹十四年秋旱

且疫禱皆著靈響寶慶元年賜額曰顯應開慶中加封  
如今稱 景定三年追封張憲烈文候立祠東山衙口  
墓所祀之

度宗咸淳中賜播州武翼大夫楊燦廟額曰忠烈武功大  
夫楊价廟額曰忠顯燦乎吳曦有功价乃燦子也 連  
江靈顯廟神黃蓋咸淳二年封為福惠候 林俊廟咸  
淳七年封為福恩候子術為協惠候

恭帝德祐初知漳州向士璧禦元兵有功詔立廟祀之  
又賜襄陽諸葛亮廟名曰英惠加號仁濟 賜武昌府

三公廟額曰晉應三公者伍子胥范蠡伏波將軍也

建宗協廟于建昌府以祀唐忠臣張巡元至正七年建陽人章文泰復

建東平王廟以祀之封李衛公祠為輔世靈祐王元加忠顯威

烈王賜廟額曰仁濟 賜孝感縣張汴廟額曰忠烈以

汴與張巡同死雒陽也 建周先王祠于漳州府以祀

唐周匡物 建周公廟于橫山賜額曰仁濟周公者吳

周凱也嘗導三江注之海變旁邑斥鹵為甘泉故沒而

民祀之 靈著廟祀劉太尉死而為神德祐間虜圍城

官軍呼其名射虜輒中事聞賜廟額靈著

遼景宗保寧三年十月以黑白羊祀神 七年五月祭姑

聖宗統和四年十一月祭庶鹿神 十六年五月祭白馬

神

金世宗大定二十七年正月尚書省言鄭州河陰縣聖后

廟前代河水為患屢禱有應當加封號廟額今因祈禱

河遂安流乞加褒贈上從其請特加號曰昭應順濟聖

后廟曰靈德善利之廟

元

世祖至元五年正月上都建城隍廟 九年遣使持香齋

續文獻通考

卷



祀五臺興國寺 十五年勅以春秋仲月上戊日祭武  
成王 正月封磁州神崔府君為齊聖廣祐王按元好  
問廟記曰唐崔子玉府君祠在所有之或謂之亞嶽或  
謂之顯應王者皆莫知所從來府君定平人太宗時為  
長子令有惠愛之風本道採訪使與長子尉劉內行弗  
備且有賊賊之鄙特縣有虎害府君謂二人者宜當之  
已而果然及一孝子為所食乃以碟攝虎至使服罪一  
縣以為神而廟事之世所傳蓋如此廟之在陽平者有  
年矣貞祐之兵燒毀幾盡東平副元帥趙侯為完復之

是年七月建漢祖天師正一祠於京城 八月制封

泉州神女號護國明著靈惠協正善慶顯濟天妃 二  
十五年詔加封南海明著天妃為廣祐明著天妃 二  
十八年太史院靈臺上修祀事三晝夜

成宗大德三年二月加解州鹽池神惠康王曰廣濟資寶  
曰永澤泉州海神曰護國庇民明著天妃浙西鹽官州  
海神曰靈感弘祐公 又加吳大夫伍員曰忠孝成惠  
顯聖王 七年加封真武為元仁威玄天上帝

仁宗延祐初至衛輝經比干墓顧左右曰紂內荒予色毒

庸四海比干諫紂剖其心遂失天下令祀于墓為後世  
 勸一三年四月勅衛輝昌平守臣修殷比干墓唐狄仁  
 傑祠歲時祭祀 五年七月加封三閭大夫屈原為忠  
 節清烈公 七年蒲田縣建義勇武安關王祠于永塘  
 鄉

英宗至治元年祭道甲神于香山 二年閏三月追封漢

諸葛忠武侯為成烈忠武顯靈仁濟王 三年

時泰定未改元

祭道甲五福神

泰定帝泰定元年勅封解州鹽池神曰靈富公 加封廣

德洛祠山神張真君曰普濟寧國路廣思王曰福祐

二年遣使祀海神天妃 又遣使祀宅神于北郊行幄

三年遣使分祀京城寺觀 又遣使祀解州鹽池神

四年遣使祀海神天妃

文宗天曆元年加封漢關羽為顯靈威勇武安英濟王遣

使祀其廟 二年祭道甲神於南屏山及大都西山

又加封大都城隍神為護國保寧王夫人為護國保寧

王妃 又加封天妃為護國庇民廣濟福惠明著天妃

賜廟額曰靈慈遣使致祭 至順元年封蒙古巫者所

奉神為靈感昭應護國忠順王號其廟曰靈祐 又遣使代祀護國庇民廣濟福惠明著天妃 是年二月加封秦蜀郡太守李冰為聖德英惠王其二郎神為英烈昭惠靈顯仁祐王 李冰為蜀郡太守鑿離堆以灌漑諸郡沃野千里而無水害蜀郡號為陸海人咸德之 三年太常博士王瓚言諸路請加封神廟濫及淫祠按禮經以勞定國以死勤事能禦大災能捍大患則祀之其非祀典之神自後不許制曰可

順帝至元元年五月改封徽州土神汪華為昭宗廣仁武烈靈顯王 二年以海運至京遣官致祭天妃 三年

封晉郭璞為靈應侯周處為英義武惠正應王謚唐杜甫為文貞 是年又加封文始尹真人為無上大初博文文始真君徐甲為垂玄感聖慈化應御真君庚桑子洞靈感化超蹈渾然真君文子通玄光暢升元敏誘真君列子冲虛至德遁世遊樂真君莊子南華至極雄文弘道真君 五年加封瀏陽州道吾山龍神為崇惠昭應靈顯廣濟候 六年七月詔封殷微子仁靖公箕子仁獻公加封比干仁顯忠烈公 九月加封漢張飛武義忠顯英烈靈惠助順王 徐州牧董恩建呂梁洪廟

以祀漢壽亭侯關羽唐鄂國公尉遲敬德以二公于徐州皆有遺蹟 建金牙廟于梧州府祀唐尉遲敬德 建諸葛亮祠 又建馬超祠于扶風 九年詔加封天妃父種德積慶侯母育聖顯慶夫人 十四年詔加號海神為輔國護聖庇民廣濟福惠明著天妃 順濟廟祀浙江潮神以祈禱感應特加忠靖 五龍靈濟廟第一位龍王加封東靈侯第二位龍王加封西定侯第三位龍王加封中靜侯第四位龍王加封南平侯第五位龍王加封北寧侯 至道觀冲鈔真人在合州赤山縣

以祈禱感應加封冲鈔靈應真人 靈威廟善利侯在潼州府中江縣以祈禱感應封為善利敷濟侯

皇明

太祖都金陵即都城中建十四廟 一北極真武廟以歲

季春秋祭 三月三日 九月九日 一道林真覺普濟禪師廟 即寶誌公

廟 以歲季春祭 三月十日 一天妃廟以歲孟春祭 一

都城隍廟以歲仲秋祭 八月祭帝王 後一日祭 一祠山廣惠張

王渤廟以歲仲春祭 二月十日 一五顯靈官廟以歲孟

夏季秋祭 以上俱遺南京太常寺官主祭 一太倉

廟仲春秋戶部官祭之 一馬祖先牧太僕廟洪武二  
年建祭馬祖先牧馬步馬社之神初 命築壇於後湖  
祀馬祖諸神禮官奏言周官牧人掌夫馬之屬春祭馬  
祖夏祭牧人冬祭馬步馬祖天駟星也考經說云房為  
龍馬先牧始養者其人未聞馬社始乘馬者世本曰相  
士作乘馬馬步謂神之災害於馬者隋用周制祭以四  
仲之月唐宋因之今擬春秋二仲月甲戌庚日為宜於  
是遣官行禮為壇四壇用羊一豕一幣一其色白籩豆  
各四簋簋登象尊壺尊各一樂用特樂獻官齋戒公服

行三獻禮祝文曰維神始於天地之初而司馬於世牧  
養蕃息馭而乘之閑廐得所歷代興邦戡定禍亂咸賴  
戎馬民人是安 朕自起義以來多資於馬摧堅破敵  
大有功焉稽古按儀載崇明享爰伸報本以昭神功謹  
以制幣牲齊式陳明薦尚享自後定以春秋仲月十五  
日遣兵部官祭歲以為常 一漢秣陵尉蔣忠烈公子

文廟

一漢前將軍漢壽亭侯廟

國初稱漢前將軍壽亭侯嘉靖十年太常

卿黃芳奏改稱漢前將軍漢壽亭侯

一晉成陽太守忠肅公壺廟并祀二

子下貯下好

已上五廟俱四孟朔日歲暮除日

一

宋濟陽曹武惠王彬廟遣應天府官祭惟蔣于四月二十六日加一祭 一南

唐劉忠肅仁瞻廟 一元衛國忠肅公福壽廟 已上

俱以四孟朔日及歲除俱應天府官主祭 又蔣廟有

孟夏之祭按太常志謂四月二十六日王之生辰則此祭疑即此也 國初封忠烈永樂八年始加

封忠烈武順昭 靈嘉祐王云 閔廟有仲夏太常之祭諸廟皆少牢

真武寶誌素羞祝文並稱 皇帝遣官云 和州城隍

洪武己酉春正月 勅封為承天監國司民靈護王仍

頒降神像冕服九旒九章青衣緋蔽膝緋白帶緋襪履

先是 太祖以兵駐和及渡江神皆著異至是特 賜

封號 是月 命有司凡祀典神祇依時致祭具不在

祀典而嘗有功德於民者即不祭存其祠宇禁人拆毀

是年 詔封天下城隍之神在應天府者以帝在開

封臨濠太平府和滁二州者以王在各府州縣者以公

以侯以伯 是年特勅郡邑里社各設無祀鬼神壇俗

稱孤魂壇以三月清明七月十五十月初一日祭以城

隍神主之鑿祭善惡 旗纛旗手衛指揮祭祭神旗附 國家旗纛

歲之 內府每歲仲秋祭山川日遣旗手衛指揮祭於

山川壇內之旗纛廟霜降日又祭于教場至歲暮享

太廟日又祭于 承天門外永樂後別有神旗之祭專祭火雷之神每月朔望神機營提督官設祭于教場內二十三年 詔陝西乾州立唐忠臣渾瑊祠先是乾州同知史孟通上言渾瑊在唐德宗時涇原兵變瑊獨引兵苦戰百計禦敵卒能保乘輿全城躬功載唐史今其祠廟在而祀事有缺甚非報功勸忠之義宜令有司每歲春秋致祭故有是 命

祀典所載及修建遣祭祠廟具列於後

北嶽廟在真定府曲陽縣治西距恒山百餘里祀北嶽

東嶽廟在秦州治西洪武三年 詔去封號稱為

東嶽泰山之神有司春秋致祭 東海廟在萊州府城

西十八里 南鎮廟在紹興府南十三里祀會稽山神

唐元皆封爵號 本朝革去載在祀典 敬誠夫人廟

在高州府電白縣東北陳高州太守馮寶妻沈氏有保

境討夷功封譙國夫人 本朝洪武初封為高涼郡夫

人歲以仲冬二十四日祭之 江瀆廟在成都府城內

西南祀西瀆大江之神 南海廟在廣州府 本朝洪

武初盡去舊號止稱南海之神 西嶽廟在西安府華

陰縣東五里 中鎮廟在平陽府祀霍山之神 西海廟 河瀆廟三廟 北鎮廟在遼東祀醫巫閭山之神 洪武中重修南嶽廟在衡州府祀融峰下祀衡山之神 淮瀆廟在南陽府桐柏山在 本朝稱為東瀆大淮之神至宣德二年修 開平忠武王廟在長安縣治西 本朝常遇春以開陝功 勅有司立廟歲時致祭 岳飛廟在彰德府湯陰縣治西南 本朝建賜額精忠 勅有司歲時致祭 顯應廟在辰州府祀明山之神 張飛廟在沅州城南五十里 勅有司春秋祭 昭勇

廟在興國州東六十里富池口祀吳將軍甘寧 本朝改號吳將軍甘公之神春秋祀之 黃陵廟在湘陰縣北四十里 本朝命有司每歲六月六日致祭 天妃廟在興化府湄川嶼祀莆人宋都巡檢林愿之女洪武永樂中兩加封號有司春秋祭之 靈源弘濟廟河平神廟龍神廟俱在徐州歲時祭之 陽山廟在常德府治東北 本朝命有司歲時致祭 潘將軍廟在龍陽縣西祀吳將軍潘濬 本朝命有司歲時致祭 仰山祠在宜春縣 本朝封大仰山之神春秋祀之 子胥



廟在杭州府吳山伍員伏劍死吳王威以鴟夷之革浮之於江吳人立祠于胥山祀之唐乾寧中封為吳安王本朝命有司歲時致祭 三仙廟在鎮江府丹陽縣四十里下有孫鍾墓瓜丘灌井鍾即孫權祖業種瓜有三士指以葬地化為三鶴飛去鍾卒葬其地後人立廟祀之歲時致祭 水府廟在鎮江府金山寺內五代史揚氏據江南封馬當為上水府采石為中水府金山為下水府有司歲時致祭 馬跑泉之神在平陽府令有司春秋致祭 靈山祠在瓊州府靈山其所祀之神有

六曰靈山曰香山曰瓊崖曰通濟曰定邊曰班師洪武中命有司歲以三月九日祭之 高山廟在瓊州府昆耶山祀其山神洪武中 命有司歲祭 豐山廟在滁州山頂舊名豐表洪武初改豐山之神六月六日與柏子潭之神合祭 開平忠武王廟在贛州府治南洪武中 勅建祀開平王常遇春以其克城有功 靈潛廟在慶遠府九龍潭 本朝封為九龍之神 掌山神廟在平陽府遼州城西二里 本朝錫號掌山之神顯功祠在山海關祀中山武寧王徐達 祝融廟在平陽府

遼州城西二里本朝錫號祝融氏之神 烏龍廟在嚴州府北二里累著靈驗歷代褒封王爵 本朝稱烏龍山之神有司歲以三月三日祀 先軫廟在平陽府遼州城南二里 本朝錫號晉人先軫之神 衛源廟在衛輝府北門泉上 本朝以水之本名稱之每歲四月八月有司祭 又黑龍神廟山西太原府治東北廟祀本朝常遇春又開平忠武王廟在衢州府治北洪武初建遇春有功于衢故也 崇烈廟在九江府東南祀元江州總管李黼 本朝洪武中重建春秋祭之 越

國公祠在金華府洪武初祀忠臣胡大海近以按察副使陶成配享 廣州府天妃廟 真武靈應祠 忠義祠祀閔敏具洪武初建 霍去病廟在臨洮府五眼泉側 本朝洪武初建 壽亭侯祠在臨洮府城東二里 本朝洪武末重修 彭思王廟在澧州西十里 本朝為李彭思王廟祀以冬至日 洞庭廟在長沙府嘉石山洪武初建封洞庭湖龍神 命有司每歲四月八日致祭 馬侯廟在承天府西五里祀馬援洪武中重建春秋致祭 壽亭侯廟在畢節衛城內東洪武二十

三年指揮柳揖建 惠濟廟在畢節衛城內東北洪武  
二十八年柳揖建 汝州漢壽亭侯廟有三一在郊縣  
城內洪武中建一在魯山縣西北洪武末重建一在州  
城內正統初建 瓊州府峻靈王廟在峻靈山祀山之  
神 本朝洪武二十年重修 黑水將軍廟在鳳陽府  
城臨淮門外宋嘉定間郡守柴將軍鑄鐵像刻云濠州  
之北淮河之邊于汝鎮守億千萬年洪武間重建 永  
南衛關王廟衛城南門外洪武二十八年建 龍神廟  
衛城南二里洪武二十九年建 鄖陽府關王廟在府

南洪武中建 永寧司關王廟 五龍廟俱洪武中建

一在徐州城北洪武十九年建 晏公廟在臨江府治

東北清江鎮 本朝初封平浪侯神名成仔 蕭侯廟

在新淦縣北四十里大洋洲祀宋神蕭伯軒及子祥叔

本朝初嘗遣官 諭祭永樂中其孫天任卒屢著靈

異亦祀于此 詔封為水府靈通廣濟顯應英祐侯

成祖遷北平於順天府建 真武廟以歲季春祭 都城

隍廟 榮國姚恭靖公廣孝廟以歲仲春秋祭 宋文

丞相廟 元世祖廟皆仲春秋順天府祭 戶部太倉

神廟二八月上旬擇日遣戶部官祭 司馬馬祖先牧  
神廟二八月中旬擇日遣太僕寺官祭 漢前將軍壽  
亭侯關公廟五月十三日遣太常寺官祭 東嶽泰山  
廟三月二十八日遣太常寺官祭 靈濟宮正旦冬至  
萬壽聖節遣內閣禮部及內官各一員祭二真君生  
辰遣禮部官祭 是年令郡縣訪求應祀神祇名山大  
川聖帝明王忠臣烈士凡有功於國惠愛及民者奏著  
祀典 廉州府烏雷廟在欽州南五里永樂初重修  
思南府壽亭侯廟在府城內二年建 瓊州府黎母廟

在府城西四年重建 福州府洪恩靈濟宮祀五代時  
徐溫子知證知諤 本朝永樂中因禱有應加封神號  
立 御製碑有司春秋致祭 神木山祠在馬湖府東  
北現山之陽四年工書宋禮建以採楠木數株方欲開  
道以出之木忽自行是山川效靈為建祠立碑 顯應  
祠以元人於法之神著靈彼土祀之 五年建天妃廟  
於應天府治西北十五里 賜名弘仁普濟天妃宮有  
御製碑正月十五日三月二十三日遣南京太常寺  
官祭 李左車廟在通許縣西七年重建 得勝廟在

海州衛城南十七年倭入寇海寧伯劉江禦之盡俘其衆因立廟以祀真武令有司春秋致祭 麻刺王饗堂在候官縣永樂間麻刺王入貢卒于使館 賜謚康靜令歲祭其墓 又建臨洮府武勇祠祀伏羌伯毛忠

宣宗宣德中重修梧州府金牙廟在府城內東祀尉遲敬德 呂梁洪廟在洪上元董思建祀漢關羽唐尉遲敬德羽為徐州牧敬德治水呂梁七年命有司歲時致祭 英宗正統中重修 鳳翔府西鎮吳山廟在隴州南七十里吳嶽山下 及修築即將軍祠在松江府城東三十

五里祀晉袁崧 又修遼東天妃廟 命有司春秋致祭 開封府紀信祠在營澤縣西二十五里正統三年 追封信為榮澤侯謚忠烈 命有司春秋致祭 靖州 威遠侯廟在州城西祀宋楊再思正統十一年重建 揚州府白馬廟在江都縣南祀蔣子文吳故吏見子文乘白馬故名郡人立祠正統十二年重修 又兗州府 泗水神廟今稱以本名 大河神祠在東阿縣西南七 十里沙灣俱十四年建

景皇帝景泰三年重建 虞允文祠於採石山下宋紹興

末金主亮入寇欲由采石渡江允文督統制官時俊等以海鯨船逆擊之金人大敗不能濟嘉定間郡守滕宗卿為建祠寶祐間郡人請立廟江上賜額英烈

英宗天順八年建瑞州府關王廟在筠陽書院左祀義勇武安王

孝宗弘治間重建梁王祠在夏邑縣城北祀漢耿夔顯惠廟在東阿縣西六十里安平鎮五年建禮河神

武宗正德間徙建協忠廟於歸德府城隍廟西祀唐張巡許遠以雷萬春南霽雲姚閻賈賁附焉 瑞州府岳王

廟在新昌縣東門內三年邑令熊紀以王有功茲邑立廟以祀

世宗嘉靖初改袁州府忠烈報功二祠 忠烈祠在府治

北舊為東嶽廟今改祠祀岳武穆及其將王貴 報功

祠在府治南舊為龍王廟今改祠祀唐刺史李將順

倪文毅在禮部上正祀典疏曰釋迦牟尼文佛三清三

境天尊謹按傳記西方佛國曰天竺天竺有五中天竺

乃釋迦所生之地後漢明帝時其法始入中國宗其教

者遂以釋迦為師其曰三世佛者則以釋迦之本性為

法身德業為報身并其真身而為三其實本止一人耳  
乃今分為三像而竝列之失其旨矣三代之時中國未  
有佛也明帝時始有佛法其後亂亡相繼運祚不長宋  
齊梁陳以下事佛漸謹年代尤促惟梁武帝捨身施佛  
其後餓死臺城事佛求福乃更得禍由此觀之佛不足  
事亦可知矣至於道家以老子為師其所謂三清者蓋  
倣釋氏三身而為之尤為謬妄宋儒朱熹有曰玉清元  
始天尊既非老子之法身上清太上老君蓋倣釋氏之  
夫而

也况莊子明言老聃之死則聃亦人鬼

耳豈可僭居昊天上帝之上哉由是言之三清三境天  
尊實無所據况躬親祠醮傾心崇奉如宋徽宗者可謂  
至矣卒之陷身虜庭覆亡宗社千載之下可為明戒但  
緣異端佛老之徒轉相模倣惑世誣民歷代因之莫之  
有廢是以邇年以來凡遇 萬壽千秋等節奉 欽依  
修建吉祥好事或遇喪禮七七修建薦揚好事俱先期  
一日遣官詣大興隆寺祭告釋迦牟尼文佛朝天宮祭  
告三清三境天尊此皆因襲而行不合祀典今議齋醮  
即合停止其前項祭告俱各罷免北極中天星主紫微

大帝謹按象緯書有曰北極五星在紫微垣中一名天極一名北辰其北第五星名天樞蓋極星之在紫微垣萬星所宗七曜三垣二十八宿衆星所拱為天文之正中又曰紫微大帝之座天子之常居也即今朝廷宮殿所在乃其像焉 國朝正統初年建紫微殿一所在於大德觀之東設立大帝之像每遇 萬壽聖節正旦冬至俱遣大臣一員祭告今議得日月星辰並耀于天故古有大明祭日夜明祭月幽宗祭星之文 祖宗以來每歲南郊大祀內壇已有星辰壇合祭之禮今乃像之

如人稱之為帝以極星之正祠于異端之宮稽之祀典誠無所據所有前項祭祀伏乞罷免九天應元雷聲普化天尊謹按傳記有曰凡陰氣凝聚陽氣在內而不得出則奮擊而為雷霆非如異端所謂龍車石斧鬼鼓火鞭恠誕之說也雷聲普化天尊者道家以為玉霄一府總司五雷而雷部諸神皆其所主又托以六月二十四日為天尊示現之日故 朝廷遂以是日遣官詣大德顯靈宮致祭今議得風雲雷雨皆陰陽之妙用鬼神之威德 祖宗以來每歲南郊大祀外壇已有合祭之禮



而八月望後山川壇復有秋報之祭况自二月發聲之後無非雷霆奮震之日顧乃定於六月二十四日於義何取至於像說名稱禮亦無據所有祭告伏乞罷免梓帝帝君謹按圖志英顯王廟在劍州即梓童神姓張諱亞子其先越雋人因報母讐徙居劍州之七曲山仕晉戰沒人為立廟唐玄宗西狩追封左丞僖宗入蜀封濟順王宋咸平中改封英顯又按文昌六星在北斗魁前為天子六府道家謂上帝命梓童神掌文昌府事及人間祿籍故元加號為輔元開化文昌司祿宏仁帝君而

天下學校亦多立祠以祀之京師之廟在北安門外景泰五年間闢而新之勅賜文昌官額歲以二月初三日為帝君誕生之辰遣官致祭今議得道家謂梓童以孝德忠仁顯靈於蜀廟食其地於禮為宜祠之京師不合祀典至於文昌之星與梓童無干今乃合而為一誠出傳會所有前項祭祀伏乞罷免祖師三天扶教輔玄大法師真君謹按傳記張道陵漢光武十年生於吳之天目山善以符水治病桓帝永壽元年於靈峰白日上升百二十歲唐天寶七年冊贈天師中和四年封三天

扶教大法師宋熙寧中加封三天扶教輔玄大法師大  
觀二年冊號正一靖真君子孫歷代相傳皆有封號逮  
入國朝仍令傳襲正一嗣教真人之封秩正二品歲  
以正月十五日為祖師示現之辰遣官詣大德靈顯宮  
告祭又按宋邵伯溫聞見錄建安二十年曹操破張魯  
定漢中魯祖陵順帝特畧蜀學道鳴鶴山中造作符書  
惑百姓從受其教者輒出五斗米特謂之五斗米賊陵  
子衝衝子魯以法相授受自號師君其衆曰鬼卒曰祭  
酒大抵與黃巾相類朝廷不能討就拜張魯漢寧太守

鎮夷中觀此則陵本非異人而道家祖陵為天師者特  
因天寶詔稱漢天師而然爾今議得正月十五日乃其  
生辰自宜其子孫祭于其家所有前項祭祀伏乞罷免  
大小青龍之神謹按碑記昔有僧名盧自江南來寓西  
山之屍院林秘魔巖一日二童子來拜于前盧納之粥  
薪供奉雖寒暑無怠時久旱不雨二童白於盧能限雨  
期言訖即委身龍潭須臾化青龍一大一小至期果得  
甘雨事聞賜盧師號曰感應禪師建寺設像立碑以記  
其事又別祠于龍潭之上春秋遣官祭龍神國朝

宣德中 勅建大圓通寺二青龍出現禱之有應於是  
加以封號至今春秋二時遣順天府官致祭及遇歲旱  
遣官祭告蓋因舊龍能致雲雨故 累朝崇奉如此雖  
然稱二青龍其實蛇也蛇有神蛇其名曰輪亦能致雨  
今此二蛇西山寺院處處有之略無靈異近者京師連  
年亢旱累累祭告祈禱查無應驗則此亦非輪蛇乃凡  
蛇耳蓋妖由人興久自哀息無足崇矣昔采祥符中天  
慶觀有蛇極恠異人以為龍孔道輔以手板擊其首死  
之其患遂息程明道為上元主簿茅山池有小青龍如

蜥蜴崇奉以為神物明道捕而脯之使人不惑後亦不  
聞如何則此二蛇之恠証正此類所有前項春秋祭告  
之禮伏乞罷免東嶽泰山之神謹按圖志東嶽魯之泰  
山今在山東濟南府泰安州山下有廟自黃帝以來封  
禪者七十二君唐宋元皆加封號曰王曰帝若祀神鬼  
國朝洪武三年詔去封號稱為東嶽泰山之神有司  
春秋致祭有事則遣廷臣祭告今 京師朝陽門外亦  
有東嶽廟蓋自元延祐中玄教大宗張留孫師買地為  
宮奉祀東嶽齊天祖聖帝 國朝仍不廢歲以三月二

十八日及萬壽聖節遣官致祭夫嶽鎮海瀆以山川靈氣有發生潤澤之功故歷代祀之泰山在魯封內歲時已有常祭况每歲南郊大祀壇八月山川壇俱有合祀之禮所據前項祭告稽之祀典煩瀆無據合當罷免北極佑聖真君謹按傳記蓋真武神也真武本玄武宋真宗尚道教避聖祖諱改玄為真玄龜也武蛇也本北方玄武七宿虛危星形似之故因而名後乃以玄武為真武而作龜蛇於下靖康初詔加號助順助聖真武靈應真君及考圖志乃云真武為靜樂國王太子也生而

神靈長而勇猛志除邪魔遇紫虛玄君授以道秘東遊遇天神授以寶劍入武當山修煉功成白日飛升奉上帝命往鎮北方披頭跣足皂纁玄旗統攝玄武之位則此道家傳會之說殊為誕妄再考國朝御製碑文太祖高皇帝平定天下兵戈所向神陰佑為多及定鼎金陵乃於雞鳴山建廟以崇祀載在祀典太宗文皇帝肅靖內難以神有顯相又於京城艮隅并武當山各重建廟宇而兩京歲時春秋及京師每月朔望各遣官致祭武當山則命內外官員專一在彼提督列聖崇

奉之意可謂至矣 憲宗純皇帝在位常範金為像遣  
內官陳善齋往武當山安奉宣期陳善援引左道之人  
鄧常恩等上則熒惑聖聽糜費 內帑下則搔擾道路  
虐害生民且又奏請重修京師廟宇改號靈明顯佑宮  
日居其間引進邪術遂使香火之地幾為奸盜之區固  
非 朝廷崇奉之本意使玄武有神亦豈其所樂聞哉  
今議得神既有功於國則 累朝崇奉之禮固不可廢  
但本以一人而一歲之間兩京俱有春秋之祭京師復  
有朔望祭告過於煩瀆合無照依洪武年間以來例應

每年三月初三日九月初九日各用素羞遣太常寺官  
祭祀其餘祭禮竝行停止其武當山神像之類頻年齋  
送不無太繁况已有內外官員頒 勅在彼一應供奉  
之物自合責令各官嚴加整辦量為裁革減省崇恩真  
君隆恩真君謹按道家之言有曰崇恩真君姓薩氏諱  
守望西蜀人在宋徽宗時嘗從虛靖天師張繼先及王  
侍宸林靈素傳學道法累有靈驗而隆恩真君則玉樞  
火府天將王靈官也又嘗從薩真君傳授符法 國朝  
永樂中有杭州道士周思得以靈官之法顯於京師附

體降神禱之有應乃於禁城之西建天將廟及祖師殿  
宣德中改廟為火德觀封薩真人為崇恩真君王靈官  
為隆恩真君又建一殿崇奉二真君左曰崇恩殿成化  
初年改觀曰宮加顯靈二字逐年四季換袍服三年一  
小焚化十年一大焚化又復易以新製珠玉綿綺所費  
不貲每歲萬壽聖節正旦冬至及二真君示現之日  
皆遣官致祭其崇奉可謂至矣今就其言議之薩真人  
之法皆宋徽宗時林靈素輩之所傳一時傳會之說淺  
謬如此本無可信况近年附體降神者乃 欽發充軍

顧珏顧倫之父子其為鄙褻尤甚往往禱雨祈晴查無  
應驗則其恠誕可知矣但經 累朝創建一時難便廢  
毀所有前項祭祀俱各罷免其四時袍胞宜令本宮住  
持并庫役人等於每年應換之日仍會同道錄司掌印  
官照舊依期更換如法收貯不必焚化永為定例金闕  
上帝謹按大明一統志福州府閩縣南舊有洪恩靈濟  
宮一所祀二徐真人即今之金闕玉闕二真人也真人  
五代時徐溫子曰知證封江王知諤封饒王常提兵平  
福建父老戴之圖像以祀宋賜今額又考之 御製碑

文云 太宗文皇帝臨御之十有五年適遇疾佛豫百藥罔效或有言神靈驗者禱之輒應脫然平復於是大新闕地廟宇 命有司春秋致祭歲時易衣給戶灑掃又於京師立廟以祀之加封金闕真人十六年又加封金闕真君玉闕真君 賜廟額名洪恩靈濟宮正統初年重新宮宇進號金闕崇福真君玉闕隆福真君成化二十二年重加尊號伯曰九天金闕總督魁神洪恩靈濟慈惠高明上帝仲曰九天玉闕總督罡神洪恩靈濟仁惠弘靖上帝迺年以來每月朔望并 萬壽聖節正

且冬至及二真君誕辰俱有祭祀遣官行禮及時食獻新至今不缺四時已有皮并冠大紅紗羅紵絲織錦雲龍朝服近又加以平天冠明黃紗羅紵絲衣服夫神之世系年代可考如此本非有甚異也先年止因有功于閩廟食一方後以保護 文皇帝聖躬故京師有別廟之奉祀但本處既有春秋二祭而京師一年之間復有前項數次祭祀不無煩瀆且惟皇上帝主宰于天而兄弟竝稱上帝其為僭擬可知廟之創造既始于閩則神如靈固當徃來于閩所有福建舊廟祭祀宜仍然其舊

其京師 聖節并朔望等項祭祀及時食獻新俱乞罷免仍乞革去帝號照依永樂年間加封事例止稱真君冠服仍用本等服色所有見在平天冠明黃袍服責付本宮庫內收貯仍行 內府各該衙門無得再行置造如此既不失報功之典而祀亦不至於煩瀆矣神父母聖帝神母元君金闕元君玉闕元君謹按徐仙真錄及國朝御製碑文神父母神母者即二真君之父母金闕元君玉闕元君者蓋其配也宋理宗朝封父齊王為忠武真人母白氏仁壽仙妃配許氏助順仁忠仙妃配陶氏

助善慈懿仙妃 國朝永樂中封父翊亮真人母淑善仙妃許氏真應仙妃陶氏恭靖仙妃繼又進其父為真君成化二十二年神父母加封高上神主慈悲聖帝聖母加封安寧護國恭靖元君金闕妃天房衛保節靖元君玉闕妃天房衆母顯佑元君每歲 萬壽聖節正旦冬至俱遣官致祭而金闕玉闕元君又有誕辰之祭皆因二真君一時禱應之功故崇奉如此今議得神父母徐溫乃五代時誤國專權弑主殊無功德祀以報功豈宜濫及况父母并妃竝受隆名稱帝君僭擬益甚所有名號



乞照永樂間封者為正以後加增一切祭祀俱各罷革  
京都城隍之神謹按易坎卦有曰王公設險以守其國  
蓋謂人君者觀坎之象不可陵也故設為城郭溝池以  
守其國以保其民人傳記謂其制自黃帝始歷代建國  
必有高城深隍上以保障宗社朝廷下以衛捍百官萬  
姓其所繫甚重其為功不小故國朝之製天下府州  
縣皆有城隍廟之祭京都城隍廟舊在順天府之西南  
累朝皆加修葺歲以五月十一日為神之誕辰及  
萬壽聖節各遣官致祭夫廟祀城隍之神本非人鬼安

得誕辰可謂謬妄况每歲南郊大祀壇八月山川壇俱  
有合祭之禮事體已重比如天下府州縣之祭不同所  
有前項祭告煩瀆無據俱各罷免奉聖旨是修建齋  
醮遣官祭告并東嶽廟真武廟城隍廟靈濟宮祭祀俱  
照舊二徐真君併父母妻仍舊封號新加上帝等號俱  
革去冠袍等件該衙門換回焚燬其餘多准擬行

穆宗隆慶四年七月詔建河神祠于夏鎮梁山各一

賜名曰洪濟昭靈命夏鎮閘徐州洪主事以春秋致

祭從撫臣翁大立請也六年三月以工部尚書朱衡

請 詔祀沿河 勅建水神諸廟

今上萬曆二十二年七月禮部覆奏崇寧宮道士張通原

奏漢壽亭侯祠額請名奉 旨祠名與做英烈 十一

月禮部奏延鎮陣亡遊擊史見儒等各祠堂致祭奉

旨祠名都與做愍忠 二十三年禮部奏覆太常寺少

卿鍾化民奏于謙建祠春秋二祭奉 旨祠名與做忠

節 二十六年曾如春奏正德中欽天監監候忠臣楊

源應立祠贈謚因賜額曰顯忠

本朝修建祠廟始末未詳者附後備考

温州府忠烈侯廟祠唐死事人田居邵 仁濟廟祀晉

郡人周凱 忠訓廟祀宋死事人徐震 忠惠廟祀宋

唐乾寧中封子胥為吳安王稱大夫伍公之神 本朝

命有司歲特致祭 懷慶府北海廟祀北海之神 濟

瀆廟祀大濟之神 潯州府靈源廟在平南縣南武林

鄉祀龍神 本朝重建 延平府成寧廟祀五代時閩

將劉瓊旌福廟祀宋將樂令陳攄二廟俱有司春秋致

祭 忠顯廟祀宋余望 忠愍廟祀宋趙師檣 襄陽

府忠節祠在鳳凰山之陽祀本朝平蠻將軍王忠 德

安府淮瀆廟祀大淮之神 河南府中岳廟祀嵩山之

神 潞安府南山龍泉廟今稱伏牛山龍泉之神

南山神廟及焦龍神廟俱稱以本名 龍母廟有二一

在化州南龍母山之陰一在吳川縣北二里俱 本朝

建 兗州府青山廟今稱為青山之神以禱雨輒應故

祀之 平陽府狄武襄廟祀宋將狄青廟在汾州 平

陽府平水祠今以本號稱其神 靈成廟在古北口祀

宋楊業 東鎮廟在沂州祀沂山之神 韓蘄王廟在

蘇州府祀宋朝韓世忠 平陽府西海廟在蒲州祀西

海之神 河瀆廟在蒲州祀大河之神

續文獻通考卷之一百十終

續文獻通考

經文廣道

五十七

